

FAHAVEREZAN-TADIDY

ARA-PANAHY



Ankehitriny mino aho, ankehitriny mino aho,
 Ny zava-drehetra azo atao, ankehitriny mino aho;
 Ankehitriny mino aho, ankehitriny mino aho,
 Ny zava-drehetra azo atao, ankehitriny mino aho.

² Ndao isika hijanona hitsangana vetivety fotsiny ankehitriny ho an'ny Tenin'ny Tompo. Ndao isika hamadika ao amin'ny Amosa, Amosa mpaminany, ny toko faha-3, manomboka amin'ny andininy faha-1.

³ Te-hisaotra an-dRanabavy Juanita sy Anna Jeanne ary Ranabavy Moore aho, ny amin'izany tononkira maha-te-ho tia izany. Nampahatsiah y ah y izany, raha nipetraka teo aho ary nihaino an'ilay izy. Nieritreritra aho, rehefa niaraka taminay izy ireo, nihira tao amin'ilay asam-pitoriana, niresaka izaho sy Rahalahy Jack, hoe tovovavy kely bitika ireo tovovavy ireo, enina ambin'ny folo taona kely fotsiny, zavatra tahaka an'izany, tovovavy. Ankehitriny, mieritreritra aho, fa manana zanaka dimy Ranabavy Anna Jeanne, ary Ranabavy Juanita dia—dia... . . . renin-janaka anankiroa. Ary tena akaikin'io filentehan'ny masoandro io marina tokoa isika, ry vehivavy, noho izay nahai-zy antsika tamin'izany, teo amin'ny anelanelana enina ambin'ny folo taona teo. Tsy ho ela, dia hiampita isika, an'io fotoana be voninahitra io.

⁴ Ankehitriny ao amin'ny Amosa ny toko faha-3, ndao isika hamaky.

Henoy izao teny izay lazain'ny TOMPO manohitra anareo izao, O ry zanak'Isiraely, manohitra an'ilay fianakaviana manontolo izay nentiko... . . . nivoaka an'i Egypta, nanao hoe,

Ianareo ihany no fantatro... . . . amin'ny fianakaviana rehetra eto an-tany: noho izany dia hofaiziko ianareo nohon'ny... . . . helokareo.

Ho tafara-dàlana ve ny roa, raha tsyefa nifanaiky?

Mierona any an'ala ve ny liona, raha tsy mahita toha izy? manerona ao an-davany ve ny liona tanora, raha tsy mahazo na inona na inona izy?

Latsaka ao anaty fandrika ety an-tany ve ny vorona, raha tsy nisy tadiavarana ho azy? hisy anankiray hanakatona ny fandrika amin'ny tany ve, nef a tsy mahazo na inona na inona avy amin'izany?

Tsofina ao an-tanàna ve ny trompetra, ka tsy hatahotra ny olona? hisy ratsy ve ao an-tanàna, ka tsy ny TOMPO no nanao an'izany?

Azo antoka tokoa ny Tompo . . . dia tsy hanao na inona inona, raha tsy manambara ny tsiambaratelony amin'ny mpaminany mpanompony izy.

Ny liona no mierona, iza no tsy hatahotra? ny Tompo . . . no miteny, iza no tsy haminany?

Ndao isika hanondrika ny lohantsika.

⁵ Tompo Jesosy, enga anie ity, Ny Teninao, Tompo, enga anie izahay hanana fiombonana manodidina an'ity ampahany ity izao hariva izao. Mivavaka izahay, Tompo, mba Hanomezanao anay tsoa-kevitra iray ho an'ny lahateny, izay halainay avy eto, ary enga anie izany hitondra haja ho Anao. Tahio izahay raha miandry, Tompo, izao hariva izao, eo amin'Ny Teninao. Sitrano ny marary sy ny ory. Vonjeo ny very. Omeo hery ny malemy, Tompo, izay miha-malemy, ara-batana sy ara-panahy. Ary omeo fandrotsahana lehibe an'Ny Fanatrehanao izahay, fa mangataka an'izany amin'ny Anaran'i Jesosy. Amena.

⁶ Maniry aho ny haka lahateny iray, avy amin'ity, izao hariva izao: *Fahaverezan-tadidy Ara-panahy*.

⁷ Aza adino, rahampitso, dia vavaka ho an'ny marary rahampitso. Manantena ny Tompo isika mba hanao zavatra lehibe mihoatra, rahampitso tolakandro amin'ny roa ora, izay isika . . . rehefa manomboka ny favorantsika isika. Ilay zazalahy dia ho eto hizara ny karatra fangataham-bavaka. Ary ny tsirairay izay te-hivavahana dia hivavahana. Ary miandry fotoana lehibe iray isika, rahampitso, ao amin'ny Tompo.

⁸ Ankehitriny ianareo olona eto, izay mamangy avy any ivelan'ny tanàna. Tsarovy, misy fiangonana tsara, an'ny Filazantsara feno manerana ny tanàna rehetra. Tongasoa ianareo amin'izy rehetra ireo.

⁹ Vao avy niresaka tamin'ny anankiray tamin'ireo pasitera mpiara-miasa amiko aho, tao ivelanly, izay vao tonga, Rahalahy Jackson, fiangonana Metodista iray fahiny, tao amin'ny tanàna iray na roa teo ambaninay.

¹⁰ Ary firy eto no niara-niasa tamin'ny tabernakla, aoka ho hitanay ny tånanareo, hatraiza hatraiza. Oadray, azoko antoka—azo antoka fa faly aho manana anareo eto. Ity no favoriana akaiky indrindra natrehako taty Indiana nandrity ny fotoana fohy. Mieritreritra ny hiverina aho, tsy ho ela mihitsy, ary hametraka tranolay ka hanana an'ireo Trompetra fito farany, raha sitraky ny Tompo.

¹¹ Noho izany, ankehitriny, fa tsarovy rahampitso. Aza adino izany, rahampitso amin'ny roa ora. Ary, ankehitriny, ny

fivorantsika manaraka dia hanomboka amin'ny herinandro manaraka, any Tampa, Florida.

¹² Ankehitriny aho dia te-hiresaka eo amin'ny: *Ara-panahy Fahaverezan-... Fahaverezan-tadidy*.

¹³ Ankehitriny, ity lehilahy kely izay resahantsika ity, Amosa, mandritry ny fotoana fohy fotsiny, mba hahazoana ny fotokevitsika alohan'ny hahatongavantsika amin'ilay lahateny. Ity dia nandritr'ilay fotoan'ny fanambinana lehibe tao Samaria. Nambinina i Isiraely. Nanaraka an'izao tontolo izao marina tokoa izy ireo ary nambinina.

¹⁴ Tsy ny fanambinana foana no famantaran'ny fitahiana arapanahy, fa indraindray dia ny mifanohitra. Ny olona angamba dia mihevitra fa tokony hanana fananana betsaka an'izao tontolo izao ianareo, ka izany no maneho fa mitahy anareo Andriamanitra. Tsy marina izany. Indraindray dia fomba hafa ilay izy.

¹⁵ Saingy hitantsika, izy, tsy mahafantatra betsaka mikasika an'ity lehilahy kely ity isika. Izy, tsy manana tantara mihitsy isika, hoe avy taiza izy. Fantatsika fa izy, araka ny Soratra eto, izy dia mpiandry ondry iray, saingy Andriamanitra no nanangana azy.

¹⁶ Azoko eritreretina ny mahita, fa tamin'ny andro nahamay anankiray tany Samaria tany, ilay anankiray tamin'ireo tanàna fitsangatsanganana malaza teto amin'izao tontolo izao tamin'izany andro izany. Zavatra tahaka ny, ataontsika hoe, Miami, na—na Hollywood, Los Angeles, iray amin'ireo toerana tahaka an'izany, toerana malaza iray ho an'ny mpizaha-tany. Ary azontsika eritreretina fotsiny ny mahita azy. Tsy mbola tao amin'ny karazana tanàna iray tahaka an'izany mihitsy izy. Fa, nanana ny Tenin'ny Tompo izy, tonga tao amin'io tanàna malaza io izy rehefa nivangongo teo amin'ny lafiny rehetra ny fahotana. Nanalavitra ny Tenin'Andriamanitra ireo mpitoriteny rehetra, ary efa tsy nanana mpaminany izy ireo nandrity ny taona ela.

¹⁷ Ary noho izany ity lehilahy kely ity, raha tany antampon'ilay havoana izy, somary avaratr'i Samaria, azoko eritreretina ny mahita azy, namiratra ny masoandro nahamay, ary ireo volombavany fotsy manerana ny tavany, ary ireo masonry kely dia niha-tery, ary ny lohany kely, sola namiratra, raha njery nidina teo amin'io tanàna io izy. Ary niha-tery ireo masonry. Tsy njery an'izay mazâna hitan'ireo mpizaha-tany izy, ny handeha ao amin'ny tanàna iray ka hahita an'ireo fahafinaretan'ny hatsarany rehetra. Nijery izy ary nahita hoe lasa fahitana iray toy ny inona io tanàna io, tanàna iray izay tanànan'Andriamanitra fahiny, nefo tao anatin'ny fahalòvana ara-pitondran-tena tahaka an'io. Tsy mahagaga... .

¹⁸ Ity lehilahy kely, tsy fantatra ity dia i Amosa mpaminany. Ary ankehitriny isika dia tsy mahafantatra betsaka mikasika azy. Tsy fantatsika hoe avy taiza izy. Ireo mpaminany mazàna dia tonga eo amin'ny sehatra, tsy fantatra, miala amin'ilay fomba iray ihany. Tsy fantatsika hoe avy aiza izy ireo, ho aiza izy ireo, tsy fantatra ny mikasika ny lasany. Andriamanitra fotsiny no manangana azy ireny. Tsy tsara jerena loatra izy, saingy nanana ny HOY NY TOMPO HOE. Izany ilay zavatra lehibe izay hitako. Mazava ho azy, tonga tao Samaria izy mba hanomboka ny asam-pitoriany. Azoko antoka fa tsy nanana fiaraha-miasa avy tamin'iza na iza izy. Tsy nanana karatra fiombonana avy tamin'ny anaram-piagonana iray izy. Tsy nanana taratasim-panendrena izy mba hanehoana hoe avy tamin'ny vondrona inona izy. Ary, fa, nanana zavatra anankiray izy, nanana ny Tenin'ny Tompo ho an'io tanàna io izy.

¹⁹ Ary manontany aho, raha afaka mitondra an'i Amosa isika, androany, ho amin'ny androntsika, manontany aho raha ho tongasoa izy ato amin'ny tanànantsika androany. Manontany aho raha handray azy isika, na hanao fotsiny tahaka an'izay nataon'izy ireo. Mahita ny tanànantsika ao amin'ilay fahalòvana iray ihany isika. Ary hitantsika fa lehibe eo anivon'ny olona mihitsy ny fahotana, tahaka azy tamin'izany. Ary manontany aho, raha ity lehilahy kely, tsy fantatra ity, hoe ahoana no hanombohany an'io asam-pitoriana io? Ahoana, aiza no hanombohany? Fiagonana inona no handehanany, na iza no hiara-hiasa aminy? Tsy nanana na inona na inona izy hanehoana hoe avy taiza izy, tsy nanana afa-tsy ny HOY NY TOMPO HOE izy ho an'ilay tanàna.

²⁰ Nahita azy ireo tena nihalò sy tena lò ara-pitondran-tena izy, fotoana iray lehibe izany. Ireo vehivavy tao amin'izany tanàna izany dia lasa saiky tahaka an'ireo eto Etazonia. Lasà lò izy ireo. Ny zavatra rehetra izay nantenain'Andriamanitra avy tamin'izy ireo, dia nandeha avy hatrany tamin'ilay lèlana hafa izy ireo. Ary—ary hitantsika fa izany dia toerana lehibe iray izay nandihizan'izy ireo teny an-dàlambe, ireo vehivavy tsy mendrika dia nanala ny akanjon'izy ireo, sy ny sisa, tahaka ny mpitanjaka. Mazava ho azy, izany no fanalana andro ampahibemaso tamin'izany andro izany, ankehitriny dia isan'andro izany. Avelao fotsiny hafana ny andro, fa tsy mila mandeha any amin'ny fampisehoana iray ianareo. Eny an-dàlambe izy rehetra, na aiza na aiza, na ahoana na ahoana. Mbà menatra ianareo vehivavy, ny manao zavatra tahaka an'izany! Tsy menatra ny tenanareo ve ianareo?

²¹ Ary avy eo—ary avy eo dia niteny an'izany tamin'ny vehivavy iray aho, vao tsy ela akory izay, dia hoy izy hoe, “Nahoana,” hoy izy, “Ranadahy Branham,” hoy izy, “izany, izany dia—izany dia tahaka ny sisa amin'ireo vehivavy fotsiny.”

²² Hoy aho hoe, “Fa tsy natao hihetsika tahaka ny sisa amin’ireo olona isika. Hafa isika. Isika dia o—olona hafa iray.”

²³ Mampahatsiahy ahy vehivavy iray izany, nanao hoe, “Eny, Ranadahy Branham,” anankiray hafa nanao hoe, “izaho—izaho—tsy manao an’ireny sorta ireny aho.” Hoy izy, “Manao pataloa aho.”

²⁴ Hoy aho hoe, “Tena ratsy izany.” Ah! “Hoy Andriamanitra hoe, ‘Fahavetavetana iray,’ eo Imasonry, ‘ho an’ny vehivavy iray ny manao fitafian-dehilahy.’” Tena marina izany.

Hoy ny anankiray hoe, “Eny, tsy manamboatra akanjo hafa izy ireo.”

“Mbola manamboatra milina fanjairana foana izy ireo ary manana tsara.”

²⁵ Tsy misy fialan-tsiny. Izay ao anatin’ny fo fotsiny ilay izy. Izany no miseho eo ivelany. Izany—izany no manondrony tenany.

²⁶ Ary hitantsika ankehitriny, tao amin’ity tanàna ity, fa lasa nihalò ara-pitondrantena izy. Natahotra ny hilaza zavatra mikasika an’izany ireo mpitory teny. Ary, fa izy ireo dia nanana kely, ity lehilahy antitra kely niakatra teo amin’ny havoana ity, dia tonga mba hiteny amin’izy ireo ny HOY NY TOMPO HOE, “Diovy io zavatra io, raha tsy izany dia handeha any amin’ny fahababoana ianareo.” Ary velona izy mba hahita an’ireo andron’ny faminaniany ho tanteraka. Naminany izy tamin’ny andron’i Jeroboama ilay Faharoa, izay nolavina iray fotsiny, na ahoana na ahoana; izy—nankasitraka an’ireo firenena hafa izy. Ary—ary ity Amosa kely ity dia naminany ka niteny tamin’izy ireo, hoy izy hoe, “Ilay Andriamanitra mihitsy izay lazainareo fa tompona, dia Izy no handrava anareo.” Ary Nataony izany.

²⁷ Ary raha ho eto ny Feony izao hariva izao, ao amin’ny... eto Birmingham, dia hilaza an’ilay zavatra iray ihany amin’ireo fiangonana izany. “Ilay Andriamanitra mihitsy izay lazainareo fa tompona, no handrava anareo indray andro any.” Tsy milaza an’izany amin’ity mpanatrika eto ity aho. Mandeha manerana an’izao tontolo izao ireo horonam-peo. Ankehitriny, tsarovy, marina izany.

²⁸ Avy eo dia hitany, rehefa niditra tao an-tanàna izy, fa izy... io karazan-javatra rehetra io, dia manontany aho hoe ahoana no tsy maintsy tsapany raha njery sy nahita an’io fahalòvan’ny vahoakan’Andriamanitra io, izay nanirahana azy.

²⁹ Manontany aho raha handray azy isika ankehitriny? Raha ho tonga izy, isika ve—hiaraka hiasa aminy ve isika? Homentsika azy ve ny—ny tsarantsika indrindra? Homentsika azy ve ny fifantohantsika? Hibebaka ve isika raha niteny tamintsika izy fa tokony hiverina amin’ny Tenin’ny Tompo isika ka hanao arak’izay nolazain’ny Tompo fa hatao?

³⁰ Manontany aho hoe inona no hataon'ireo anabavintsika mikasika an'ireo volony tapaka? Hamela ny volony haniry indray ve izy ireo, raha tonga i Amosa? Izy hitory an'izany, ary izaho hiteny aminareo an'izany, satria izany no Tenin'ny Tompo.

³¹ Izaho—manontany aho raha ny—raha handroaka an'ireo diakona ny komitintsika, izay nanambady intelo na in-efatra, sy—sy ny sisa tahaka an'izany, nefo miezaka ny ho diakona, manontany aho raha ireo zavatra rehetra ireo. Manontany aho hoe inona no hataony amin'ny lehilahy iray izay hamela ny vadiny hanao sorta ka hivoaka eo an-dàlambe eo, sy manapaka ahitra eo an-tokontany, mivoaka eo an-tokontany, rehefa mandalo ny lehilahy? Manontany aho hoe inona no ho lazainy amin'ny lehilahy tahaka an'izany?

³² Hanapoaka an'izany miaraka amin'izay rehetra ao anatin'y tokoa izy, satria nanana ny HOY NY TOMPO HOE, ka tsy afaka hanao hafa afa-tsy izany. Hitany izy ireo tamin'io andro io niaraka tamin'ny toe-javatra ratsy an'ny aretina iray, fahaverezan-tadidy ara-panahy, ary izany marina tokoa no ananantsika amin'izao andro izao.

³³ Ankehitriny, ahoana no nahafantarany an'izay hitranga? Ahoana no nahafantarany Amosa? Voalohany, mpaminany iray izy. Ary, ny zavatra manaraka, dia fantany tamin'ny alalan'ilay aretina hoe inona ireo fizahana, ary fantany hoe inona ireo valiny.

³⁴ Raha mandinika fivontosana fetsy iray ny dokotera ka mahita fa efa nifikitra io fivontosana fetsy io, dia fantany fa tsy misy afa-tsy ny fahafatesana sisa tavela. Izay ihany, raha tsy hoe manao zavatra mikasika an'izany Andriamanitra.

³⁵ Eny, rehefa mijery tanàna iray ianareo, ka mijery vahoaka iray, mijery fiangonana iray, ary mijery vahoaka iray izay tena lavitra an'Andriamanitra, dia tsy misy na inona na inona ho zahana afa-tsy hoe, "Fahotana! 'Ary ny fahafatesana no tambin'ny fahotana.' Eo am-pahafatesana izany." Ireo fizahana no manaporofo hoe inona ilay izy. Hitanareo, rehefa lasa manalavitra an'Andriamanitra ny olona ka tsy hihaino ny Teny, tsy manana faniriana ho an'ny Teny intsony, amin'izay fotoana izay dia fizahana iray no misy ho an'izany, "Ny fanahy izay manota, izany fanahy izany no ho faty." Ny tsi-finoana no hanasaraka anareo amin'Andriamanitra." Marina tokoa izany.

³⁶ Fa, fantany hoe inona ilay aretina, inona ireo valiny, rehefa hitany ilay aretin'ny—ny fahotana tao amin'ilay tanàna.

³⁷ Ankehitriny, io fahaverezan-tadidy io, nilazana isika fa izany dia ny—ny—ny...hanao anareo eo amin'ny toerana iray izay tsy ahafahanareo manondro ny tenanareo. Ankehitriny, zavatra iray tsy mahazatra izany. Tsy mitranga loatra izany mazàna, saingy ireo antony dia avy amin'ny fandònana. Izany dia olona iray izay tsy mahafantatra akory aza hoe iza izy ireo. Mahita

an'izany ianareo aorian'ireo ady, indraindray, ireo miaramila no tratran'izany. Matetika ireo olona no tratran'izany. Zavatra iray hafa mahatonga an'izany, dia ny ahiahy. Ny ahiahy no hahatonga an'izany.

³⁸ Ny ahiahy dia tsy manana hery ao aminy, mihitsy. Hia, izao fotsiny—izao fotsiny—ialao fotsiny ny ahiahy, dia ekeo ny finoana.

³⁹ Hoy ny olona iray hoe, “Eny, ankehitriny, ahoana moa raha hotifirina ianao amin’ny maraina, hanahy ve ianao?”

Hoy aho hoe, “Tsia, tsy mihevitra tahaka an'izany aho.”

“Nahoana?”

Hoy aho hoe, “Tsy afaka manao afa-tsy ny manao ahy ho ratsy kokoa ny ahiahy.”

“Eny, inona no soa banana finoana?”

Hoy aho hoe, “Mety hanafaka ahy izany.” Ary marina izany, hitanareo.

⁴⁰ Noho izany ny ahiahy dia tsy manana hery ao aminy, mihitsy, fa ny finoana no manana ny hery rehetra. Minoa!

Ankehitriny dia ny ahiahy no mahatonga an'ilay izy indraindray.

⁴¹ Ary ny zavatra iray hafa izay mahatonga an'izany eo anivon’ny olona, dia ny lasa eo anelanelan’ny hevitra roa. Izany no hiteraka ny fahaverezan-tadidy. Ary izany dia mitondra anareo eo amin’ny toerana iray izay ianareo—ianareo, marina tokoa, fa izay nataonareo, verinareo ny filaminantsainareo. Verinareo ny sainareo. Ianareo tsy afaka manao... Tsy fantatrareo hoe iza ianareo. Tsy afaka manondro ny tenanareo ianareo. Afaka mandehandeha eo ianareo, mihinana sy ny rehetra, saingy, ianareo, mbola tsy afaka manondro ny tenanareo foana ianareo. Manana ny fianaranareo tany an-tsekoly ianareo, ianareo afaka... ilay fianarana iray ihany izay nanananareo, saingy tsy fantatrareo hoe avy taiza izany, tsy fantatrareo hoe iza ianareo, an’iza ianareo. Izany no fahaverezan-tadidy, araky ny notenenina tamintsika.

⁴² Voatondro miaraka amin’ny fianakavantsika isika, ao amin’ity fiainan’olombelona ity, amin’ny alàlan’ny fanambadiana. Ary miaraka amin’ny vadintsika, dia manambady isika, ary ny fianakavantsika dia voatondro amin’ny alalan’ny firaisan’ny—ny—ny fanambadiansika. Ary avy eo, inona no neverina, ahoana moa raha nitranga taminareo io zavatra mahatsiravina io ka tsy afaka hahatsiaro ianareo hoe iza no novadianareo, iza no vadinareo, iza no zanakareo, iza no rainareo sy reninareo, iza no mpiara-monina aminareo? Izany dia ho—ho zavatra iray mahatsiravina.

⁴³ Noho izany isika dia voatondro, indray, afaka manondro ny tenantsika ao amin'ny taranak'olombelona, amin'ny fananana fahendrena sy—sy amin'ny maha-samihafa amin'ny fiainambiby. Tsy afaka mieritreritra ny biby, mandeha fotsiny amin'ny alàlan'ny feo izy. Tsy manana fanahy izy. Ary, fa, fiainambiby isika. Ny manao antsika ho hafa...Mampinono isika, saingy inona...Io mampinono io dia biby mafana rà, ary isika ao amin'ny toetram-biby. Fa ny manao antsika ho hafa, dia voatondro amin'ny fananana fanahy iray isika, fieritreretana iray izay miteny amintsika hoe inona no tsara sy ratsy.

⁴⁴ Ankehitriny dia misy toerana iray, rehefa tratran'io fahaverezan-tadidy io ianareo, dia mety ho lasa tahaka an'i Nebokadnezara, izany ilay izy, izay nanandratra ny tenany indray mandeha, ka navelan'Andriamanitra hieritreritra fa biby iray izy. Ary nipetraka tany an-efitra izy ka—ka nihinana ahitra tahaka ny omby. Ary—ary ny—ny volony dia naniry teo amin'ny vatany, tahaka ny elatry ny voromahery, ary lasa nanana fom-biby iray izy tao anatin'y. Hitanareo? Izany no fahaverezan-tadidy, satria adinony fa mpanjaka iray izy. Adinony fa olombelona iray izy. Ary nihevitra izy fa biby iray, noho izany dia nihetsika tahaka ny biby izy, satria adinony fa olombelona iray izy.

⁴⁵ Tena mora izany, amin'izao andro izao. Ary adinontsika, matetika, hoe inona ny Fianganana Kristiana. Mihetsika tahaka an'izao tontolo izao isika. Izany no maneho fa trattr y ny fahaverezan-tadidy ara-panahy isika, satria dia tsy mihetsika tahaka ny Kristiana ianareo. Mihetsika tahaka an'izao tontolo izao ianareo. Nandray ny fon'izao tontolo izao ianareo, ary izany no mahatonga an'io.

⁴⁶ Eto isika—mahita isika fa Isiraely dia nampiharihary, voaharihary teo amin'izao tontolo izao, ary lavo tao anatin'io lavaka io. Ary ity mpaminany ity dia nirahina mba hamoaka azy ireo avy ao amin'izany, raha vitany, sy hiteny amin'izy ireo. Andriamanitra, nohon'ny Fahasoavany, dia nifidy an'Isiraely avy tamin'ny sisa rehetra tamin'ireo fianakaviana teto an-tany. Ny fahasoavana no nanao an'izany. Nomeny azy ireo ny tanin'ny safidy. Nomeny azy ireo ny trano izay tsy izy ireo mihitsy no tsy maintsy nanorina. Andriamanitra no nanao an'izany, nifidy azy ireo. Nomeny toeram-piompiana izy ireo izay tsy novidian'izy ireo mihitsy. Izy—Nomeny azy ireo, Nomeny azy ireo ny sakafio izay tsy nambolen'izy ireo mihitsy. Nomeny azy ireo ny fantsakana izay tsy nangadian'izy ireo mihitsy. Nomeny azy ireo ny fandresena izay tsy azon'izy ireo mihitsy. Nomeny azy ireo ny fahasoavana izay tsy mendrika azy ireo mihitsy. Andriamanitra no nanao an'izany nohon'ny Fahasoavany ho an'io vahoaka io, Isiraely, ny Nofidiany, ny Malalany.

⁴⁷ Dia hoy izy, ao amin'ny Baiboly hoe, "Nahita azy tao an-tsaha Izy, tahaka ny zazavavy kely iray mipetraka ao amin'ny

ràny manokana, ary Izy no nanasa azy sy nanadio azy, ary izany no Nataony. Fa rehefa avy naneho taminy an'ireo famindrampo rehetra Andriamanitra, ka lasa nanan-karena izy,” tratry ny fahaverezan-tadidy izy, fahaverezan-tadidy, “dia adinony ny rehetra mikasika ny hoe avy taiza ireo zavatra ireo.”

⁴⁸ Heveriko fa izany dia sary iray an’ny U.S.A., 1964. Mijaly amin’ilay aretina iray ihany izy. Fianganana mahery malaza isika. Isika dia vahoaka malaza, mahery. An-tapitrisany no isantsika, nefä adinontsika hoe avy taiza ireo zavatra ireo.

⁴⁹ Nanana toe-javatra ratsy iray an’izany izy ireo. Rehefa avy tsara fanahy tamin’izy ireo Andriamanitra, ka nitondra azy ireo niala tamin’ireo tanin’ny mpanompo sampy rehetra, ary nanao azy ireo ho vahoaka nisaraka iray, nanasaraka azy ireo ho an’ny Tenany. Hoy Izy hoe, “Naka sampam-boaloboka iray avy tany amin’ny tany iray hafa Izy ka namboly azy tao amin’ny tany iray hafa, ary toy ny ahoana no Nikarakarany azy mba hanao azy hamokatra voa sy ho feno voa, saingy adinon’ilay sampam-boaloboka hoe avy taiza ireo fitahiany.”

⁵⁰ Toy izany koa ny vahoakan’Andriamanitra, ao amin’ireto andro farany ireto, izay nanadino hoe inona no dikan’ny fanambarana ny maha-Kristiana iray. Izany indray ilay izy, tonga eo amin’ny olona io fahaverezan-tadidy io. Tsy afaka manondro ny tenany izy ireo.

⁵¹ Izy ireo, adinon’izy ireo ny rehetra mikasika an’Izany. Adinon’izy ireo ny Fahamasinany. Adinon’izy ireo ny Lalàny. Ireo vehivavy dia niaina tahaka ny sisa amin’ireo vehivavy.

⁵² Ny Fianganan’Andriamanitra sy ny Vahoakany dia efa foana hoe, “Vahoaka nosarahina iray, va—vahoaka iray nantsoina hivoaka, vahoaka hafa iray, firenena masina iray, asampisoronam-panjaka iray; manolotra fanatitra ara-panahy ho an’Andriamanitra, ireo vokatry ny molony, manome ny dera ho an’Ny Anarany.” Niantso Ny Fianganany Andriamanitra ary nanasaraka Azy tamin’izao tontolo izao, ho an’io tanjona io mihtisy. Ary Nomeny lalàna iray izy, ary Izy, Izany, dia tsy maintsy masina. Hoy Izy hoe, “Masina Aho, ka tsy maintsy masina ianareo, ary tsy misy olona hahita ny Tompo raha tsy manam-pahamasinana.” Andriamanitra no nilaza an’izany, Izy tenany.

⁵³ Ary niantso an’io vahoaka io Izy mba ho karazan’io vahoaka io, saingy adinon’izy ireo ny mikasika an’izany. Adinon’izy ireo ny Lalàny, ary adinon’izy ireo ny fitondrantenany. Ireo vehivavy eny an-dàlambe, ireo vehivavy Isiraelita teo, ny tsirairay avy dia nanantena ny—ny ho bevohokan’ny Fanahy Masina, hiteraka ny Mesia, nefä avy eo dia nihetsika tahaka an’izany. Nahatsiravina ny toetran’izy ireo.

⁵⁴ Te-hijanona eto iray minitra aho, mba hiteny fa izany ilay zavatra iray ihany eo anivon’ny olontsika, amin’izao andro

izao, izay miantsio ny tenany ho Kristiana. Ireo toetrany, raha fantatrareo fotsiny mantsy!

⁵⁵ Indray mandeha, tany Atsimo. Namaky tantara iray avy teto aho, izay nananan'izy ireo an'ireo andevo fahiny. Nalainy ireo olona ireo ary namidiny teny an-tsena izy ireo, tahaka ny ivarotanareo fiara efa tonta iray mihitsy. Ary tamin'izay fotoana izay dia nisy mpividy iray, mpanera, tonga ary naka an'ireo andevo ireo ka nivarotra azy ireo, ary tahaka ny ivarotanareo fiara iray na zavatra iray mihitsy.

⁵⁶ Ary ireo andevo ireo dia lavity ny tanindrazany. Avy any Afrika izy ireo. Ireo Boers no naka an-keriny azy ireo, nitondra azy ireo teto tany amin'ireo nosy, ary avy eo dia nampiditra azy ireo antsokosoko teto Etazonia ka nivarotra azy ireo ho andevo, tany Jamaica sy ny manodidina.

⁵⁷ Ankehitriny dia hitantsika fa nalahelo ireo olona ireo. Nalaina an-keriny avy tany amin'ny tranony manokana izy ireo. Nentin'ny fahavalohy iray izy ireo, ary nalahelo. Tsy hahita ny vadin'izy ireo lahy intsony mihitsy izy ireo, na ny vadiny vavy intsony, ny rainy sy ny reniny, ny zanany. Izy ireo dia tena tanteraka tokoa . . . Tsy maintsy nokaravasiana izy ireo, tamin'ny karavasy, mba hanao azy ireo hiasa, satria olona malahelo izy ireo.

⁵⁸ Ary indray andro, dia tonga tao amin'ny tanimboly anankiray ny mpanera iray, nahita andiana andevo niasa izy tany. Ary izy—nandeha izy ka nanontany an'ilay tompony, nanao hoe, “Andevo firy no anananao?”

Hoy izy, “Eo amin’ny zato eo.”

Hoy izy hoe, “Manana anankiray izay hatakalonao na hamidinao ve ianao?”

Hoy izy, “Eny.”

Hoy izy hoe, “Avelao aho hijery azy ireo.”

⁵⁹ Dia nandeha teo amin'ilay saha izy ary nandinika azy ireo, ka hitany fa tsy maintsy nikaravasy azy izy ireo. Ary afaka kelikely, dia nahita tovolahy anankiray izy izay tsy nila nokaravasian'izy ireo. Nabontsiny ny tratrany ary ny saokany nitraka; tsy nila nokaravasina. Noho izany dia hoy ilay mpanera hoe, “Te-hividy an’io andevo io aho.”

Dia hoy izy hoe, “Saingy tsy amidy izy.”

⁶⁰ Hoy izy, “Eny, inona ny fahasamihafana amin’io andevo io?”
Hoy izy, “Io andevo io ve no sefon’ny sisa amin’izy ireo?”

Hoy izy hoe, “Tsia, andevo iray fotsiny izy.”

Hoy izy hoe, “Eny, angamba hafa no hamahananao azy.”

Hoy izy hoe, “Tsia, mihinana ao amin'ilay trano fihinanana miaraka amin’ny sisa amin’ireo andevo izy.”

⁶¹ Hoy izy hoe, “Eny, inona no manao azy ho tena hafa amin’ny sisa amin’ireo andevo?”

⁶² Hoy izy hoe, “Eny, izany no efa nanontaniako, ihany koa, nandritry ny ela be. Fa indray andro aho dia nianatra, fa, any amin’ny tanindrazana izay nihaviany, dia ny rainy no mpanjakan’ilay foko manontolo. Ary na dia vahiny iray aza izy, sy lavitry ny trano, dia mbola fantany foana fa zanaky ny mpanjaka izy, ary izy—mitondra ny tenany tahaka ny zanaky ny mpanjaka iray izy.”

⁶³ Nieritreritra aho hoe, “Fa, izany, raha Mainity iray no tonga avy tany Afrika, ka nahafantatra fa mpikamban’ny foko iray ny rainy ary mpanjaka eo amin’ny foko iray, dia inona no tokony ataon’izany amin’ny Kristiana iray izay nateraka indray, lehilahy na vehivavy iray, hoe ny Raintsika dia ilay Mpanjakan’ny Lanitra ao amin’ny Voninahitra!” Tokony hitondra ny tenantsika toy ny lehilahy sy vehivavy Kristiana isika. Tokony hihetsika tahaka an’izany isika, hiakanjo tahaka an’izany, hiresaka tahaka an’izany, hiaina tahaka an’izany. Na dia vahiny iray aza isika, dia mbola zanak’ilay Mpanjaka foana. Amena.

⁶⁴ Ny toetrantsika, ny faharatsiam-pitondrantenantsika amin’ny andro izay iainantsika ankehitriny! Latsaka tao anatin’io lavaka iray io ihany ny Isiraely ary ratsy fitondrantena ihany koa. Adinon’izy ireo ny lalân’Andriamanitra hoe, “Aza mijangajanga ianao, ary aza mitsiriritra ny vadin’ny namanao ianao,” sy ny sisa. Adinony ireo lalâna ireo. Izy ireo—izy ireo—tsy nilain’izy ireo intsony izany. Ary izy ireo—izy ireo dia nila ny—ny hitovy amin’ny sisa amin’izao tontolo izao, tahaka ny ananan’ny fiangonana amin’izao andro izao mihitsy.

⁶⁵ Indray mandeha, Isiraely, rehefa nanomboka izy ireo, dia nila mpanjaka iray hifehy azy. Niteny tamin’izy ireo i Samoela, ilay mpaminany izay nalefa ho azy ireo, hoy izy hoe, “Ankehitriny efa mba niteny zavatra iray taminareo tamin’ny Anaran’ny Tompo ve aho ka tsy niseho?”

Hoy izy ireo hoe, “Tsia, tsy niteny ianao.”

⁶⁶ “Efa mba nangataka ny sakafoko sy vola taminareo ve aho, ny volanareo, ihany koa, mba hivelomako?”

⁶⁷ “Tsia, tsy nanao an’izany ianao. Tsy niteny na inona na inona taminay mihitsy ianao, ry Samoela, ka tsy niseho. Ary tsy nangataka taminay ny volanay mihitsy ianao, ho an’ny fivelomanao. Fa, kanefa, mila an’ilay mpanjaka izahay, na ahoana na ahoana.”

⁶⁸ Hoy Andriamanitra tamin’i Samoela hoe, “Avelao izy ireo banana azy. Tsy manohitra anao izy ireo; manohitra Ahy izy ireo.”

⁶⁹ Niditra tao amin'io toerana iray io ihany ny Isiraelly ankehitriny. Tsy nilainy izy ireo. Ary raha tonga ny anankiray, ka nitondra ny Teny tamin'izy ireo, sy niezaka ny hamerina azy ireo teo amin'ny Teny, dia nolavin'izy ireo Izany. Manao an'izany foana izy ireo, ao amin'io karazana fahalòvana io.

⁷⁰ Rehefa manakambana ny tenany izao tontolo izao sy ny fiangonana, amin'izay fotoana izay dia tsy mila na inona na inona ara-panahy izy ireo. Tsy mila ny HOY NY TOMPO HOE izy ireo. Mila an'izay ilainy izy ireo. Mila an'izao tontolo izao izy ireo, sy ny hilaza fa Kristiana iray izy ireo; ary miaina ao amin'izao tontolo izao, sy miaina miaraka amin'izao tontolo izao, ary miaina tahaka an'izao tontolo izao, nefà mbola mihazona foana ny fanambarany fa Kristiana iray. Fantatrareo, ilay zavatra amin'ilay izy dia, izany no fahaverezan-tadidy ara-panahy. Izany marina tokoa ilay izy. Tsy fantatr'izy ireo hoe iza izy ireo. Adinon'izy ireo izay nasaina nataon'izy ireo.

⁷¹ Raha ho tonga ny anankiray androany, tahaka an'izany, dia ho lavina foana fotsiny izy. Nanana toe-javatra ratsy iray an'izany izy ireo, ary toy izany koa no ananan'izy ireo amin'izao andro izao. Izy ireo dia tsy afaka nanondro ny tenany tamin'ireo zavatra ivelan'ny voajanahary, intsony, satria tsy nilain'izy ireo izany. Ny Teny, ny Filazantsara, tsy nilain'izy ireo Izany. Ny aretim-pahotana no nampahory azy ireo, nefà tian'izy ireo izany.

⁷² Mahafinaritra ny fahotana ho an'ny fo tsy niova. Toy ny tsara ilay izy ho an'ny saina tsy niova, saingy izany no làlan'ny fahafatesana. Tsy misy na inona na inona tavela afa-tsy ny fahafatesana. "Ny fahafatesana no tambin'ny fahotana," ary tsy maintsy mijinja an'ireo tambiny ireo ianareo. Namafy rivotra ianareo, ary ankehitriny dia mijinja tadio.

⁷³ Ireo famantarana ara-panahy sy ny toritenin'ny iraka voatendry iray avy amin'Andriamanitra, dia tsy nanaitra azy ireo intsony mihitsy. Afaka mihomehy eo amin'ny tavan'izy ireo mihitsy ireo vehivavy, ka manao hoe, "Tsy mila mandeha mihaino karazan-javatra tahaka an'izany aho." Raha tsy niverina indray izany! Inona izany? Fahaverezan-tadidy ara-panahy, izany marina tokoa ilay izy. Adinon'izy ireo fa Andriamanitra sy Ny Teniny dia iray ihany, ary tsy afaka manova an'Izany Izy.

⁷⁴ Raha niseho teo amin'ny sehatra ny mpaminany iray tamin'ireo andro ireo ka nanome famantarana ara-panahy iray, feo ara-panahy iray, ary nanome ny feon'Andriamanitra taorian'izany, dia nihomehy an'Izany fotsiny izy ireo ary naneso an'Izany.

⁷⁵ Fantatrareo ilay fiteny fahiny hoe, “Ireo adala dia handeha miaraka amin’ny kiraro misy fantsika eo amin’izay atahoran’ny Anjely hitsahina.” Izany no ataon’io fahaverezan-tadidy ara-panahy io. Izany no mitondra ny olona eo amin’ny toerana iray izay tsy ananan’izy ireo fihetseham-po intsony ao anatin’izy ireo. Tsy mila na inona na inona izay ara-panahy izy ireo.

⁷⁶ Raiso ny fivoriana tena ara-panahy iray, izay misy ny Fanahy Masina manasitrana ny marary sy mamantatra ny fisainana izay ao am-po, ka apetraho eo anivon’ireo fiangonana rehetra izany, fivoriana lehibe iray fotsiny eto ao amin’io kianja be io, dia jereo izay hitranga. Ao anatin’ny minitra vitsy, dia hitsangana ny olona rehetra ary hivoaka. Tsy misy idiran’izy ireo amin’izany. Tsy te-hanao na inona na inona amin’izany izy ireo. Hihaino kabary ara-tsaina iray izy ireo.

⁷⁷ Fa rehefa tonga eo amin’ny hoe ny Herin’i Jesosy Kristy ilay izy, sy ny Fitsanganany, ary ny Fanahy Masina, dia tsy te-hanao na inona na inona amin’Izany izy ireo, satria manameloka azy ireo izany. Mandrehitra azy ireo amin’ilay zavatra izay tokony ho fantany izany. Tsy misy famaizana, mazava ho azy, izay mahafaly amin’ny vanim-potoana. Fa, izany, raha hilefitra amin’izany ianareo, dia izany—izany no mitondra an’ireo vokatry ny fibebahana. Noho izany dia hitantsika, fa rehefa io fahaverezan-tadidy ara-panahy io no mihazona ny olona, amin’izay fotoana izay izy ireo dia—ao amin’ny toerana ratsy izy ireo. Ankehitriny dia mahita an’ilay zavatra iray ihany isika ankehitriny. Ankehitriny dia tiako ny . . .

⁷⁸ Tsy maintsy voatondro ianareo. Any ho any, dia tsy maintsy maneho ianareo. Ny fiainanareo no maneho, izao hariva izao, hoe aiza ianareo no voatondro. Na ianareo voatondro ao amin’i Kristy na ivelan’i Kristy. Tsy antsasa-dàlana ianareo. Tsy misy izany karazana hoe lehilahy mamo tsy mamo izany. Tsy misy ny vorona mainty fotsy. Na ianareo voavonjy na ianareo tsy voavonjy. Masina iray ianareo na mpanota iray, ny iray na ny hafa, ary ny toetranareo ara-panahy manoloana ny Tenin’Andriamanitra no manondro anareo marina tokoa hoe aiza ianareo no mitsangana. Marina!

⁷⁹ Ny Tenin’Andriamanitra, no nanamarina, nanaporofa fa ny batisan’ny Fanahy Masina dia ilay iray ihany mihitsy izay hany naха-izy azy tamin’ny Andron’ny Pentekosta na tamin’ny fotoana hafa. Ary Jesosy Kristy no tsy miova omaly, anio, ary mandrakizay. Ary ny toetranareo manoloana an’Izany no manondro na tratry ny fahaverezan-tadidy ara-panahy ianareo, na tsia. Marina izany. Tsy mampaninona na diakona iray ianareo, na dia mpitoky teny iray aza ianareo, izany tsy manao . . . Hia, izy ireo dia tratran’izany, ihany koa. Noho izany dia hitantsika, fa mifindra izany ary mahazo an’ilay zavatra manontolo. Ankehitriny dia mahamarika isika.

⁸⁰ Ankehitriny, mba ho Amerikana iray. Mba ho Amerikana, dia tsy maintsy voatondro miaraka amin'ny firenoko aho. Henoy tsara ankehitriny. Mba ho Amerikana iray, rehefa teraka teto amin'ity firenena ity aho, dia lasa teratany iray, ary voatondro miaraka amin'ity firenena ity aho. Izay rehetra maha-izy azy, dia izany aho. Izay rehetra naha-izy azy, dia izany aho. Satria voatondro ho Amerikana iray aho, noho izany dia tsy maintsy mitondra ny henatrany rehetra aho, ny voninahiny rehetra. Na inona na inona ilay izy, dia izaho izany, satria voatondro miaraka aminy aho. Amena. Tiako ianareo hahazo an'izany. Voatondro ho teratany Amerikana iray aho, noho izany izay rehetra naha-izy azy, dia izaho izany. Izay rehetra maha-izy azy, dia izaho izany. Tsy maintsy ampahany aho. Izaho manana... raha teratany Amerikana iray aho, dia ampahan'i Amerika. Ary izay rehetra maha-izy azy, dia izany aho.

⁸¹ Tsy tokony hanadino an'izany mihitsy aho. Raha te-hijanona ho teratany Amerikana marina aho, dia tsy maintsy mahatsiaro fa izaho dia izay maha-izy ny firenoko, satria voatondro miaraka amin'ny firenoko aho. Ny manadino azy, na—na... Ny miady ho azy, na ny ho faty ho azy, na ny hanohana an'izay rehetra tohanany, dia tsy maintsy manohana an'izany aho. Izay maha-izy ny firenoko, dia izany aho. Izay tohanany, dia tohanako izany. Mba ho Amerikana mahatoky iray, dia ho vonona ny ho faty ho azy aho, hiady ho azy, hanohana azy, hanao ny zavatra rehetra izay misy. Ampahany aho. Tsy afaka manindrona azy ianareo raha tsy manindrona ahy. Rehefa milaza zavatra manohitra azy ianareo, dia milaza an'ilay izy manohitra ahy, satria Amerikana iray aho. Ny milaza an'izany manohitra anareo, amin'ny maha-Amerikana, sy izay lazain'izy ireo manohitra an'ity firenena ity, dia milaza manohitra anareo izy, satria ampahany ianareo. Aza adinonareo mihitsy izany; rehefa manadino ianareo, amin'izay fotoana izay dia tratry ny fahaverezan-tadidy ianareo, tena azo antoka.

⁸² Ary, tsarovy, tsy teratany Amerikana intsony ianareo rehefa tsy afaka ho lasa ampahany. Tsy maintsy izany ianareo. Izay maha-Amerikana, dia tsy maintsy izany koa ianareo. Tsy maintsy mpandray anjara aminy aho. Firenoko ity, tsy maintsy mpandray anjara aminy aho. Izay maha-izy azy, dia izany aho. Hitanareo, izay naha-izy azy, dia izany aho. Tsy mampaninona izay naha-izy azy, mbola izay naha-izy azy foana aho.

⁸³ Mba ho Amerikana iray, dia nipetraka teo amin'ny Plymouth Rock aho, niaraka taminy, niaraka tamin'ireo razambe. Tsy maintsy aho; ampahany aho. Nitaingin-tsoavalny niaraka tamin'i Paul Revere aho, mba hampitandrina azy ny amin'ny lozany. Raha tena teratany Amerikana iray aho, dia nipetraka teo amin'ny Plymouth Rock. Nitaingin-tsoavalny niaraka tamin'i Paul Revere aho, mba hampitandrina azy ny amin'ny lozany. Fantatrareo ve izay tiako lazaina ankehitriny?

⁸⁴ Nitety an'i Delaware feno ranomandry aho, niaraka tamin'i George Washington, niaraka tamin'ireo miaramilany tsy nikiraro. Tany aho, satria voatondro miaraka amin'ity firenena ity aho. Izay nataony tany dia ampahako; izay ataoko ankehitriny dia ampahany. Voatondro niaraka tamin'i Washington aho, tao Delaware.

⁸⁵ Nitsangana niaraka tamin'i Stonewall Jackson aho, rehefa nanohitra azy mafy ireo anjara, ka nanontany izy ireo hoe, "Ahoana no ahafahanao mijoro tahaka ny rindrim-bato iray, nefà nanohitra anao ireo anjara?" Nodakan'ilay lehilahy kely saro-kenatra manga maso tamin'ny kirarony io vovoka io, hoy izy hoe, "Tsy mandray rano fisotro iray mihitsy aho raha tsy misaotra an'Andriamanitra Tsitoha ny amin'izany." Tsy maintsy mijoro tahaka ny rindrim-bato iray miaraka aminy aho. Nitsangana tany aho niaraka tamin'i Stonewall Jackson. Mba ho Amerikana, dia voatondro miaraka aminy sy ny toerany aho. Niampita an'i Delaware! Niady an'ireo ady!

⁸⁶ Nanangan-tsaina aho. Niaraka tamin'izy ireo aho rehefa nanangan-tsaina izy ireo teo ambonin'i Guam. Rehefaavy nanolotra ny ainy ireo miaramila Amerikana an'arivony, ary rehefa nihazakazaka teo io andiany kely io ka nanangana an'ilay saina, dia voatondro tao amin'io fananganana an'io saina io aho; voatondro ny tsirairay avy amintsika. Ireo teratany Amerikana rehetra dia voatondro niaraka tamin'io saina nihantona tany Guam io. Rehefa reko fa natsangan'izy ireo io saina io tany, dia niaraka tamin'ny takolako ny ranomaso. Izaho izany. Ianareo izany. Isika rehetra no dikan'izany, rehefa voatondro niaraka tamin'izany isika tany.

⁸⁷ Izay rehetra maha-izy azy, dia izaho izany. Ny voninahiny rehetra dia voninahitro. Ny henatrany rehetra dia henatro. Raha nanao zavatra mahamenatra izy, amin'izay fotoana izay aho dia tsy maintsy mibanjina ny...mahatanty ny latsany. Raha mandray voninahitra izy, dia mandray voninahitra miaraka aminy aho, satria voatondro miaraka aminy. Ankehitriny, mba ho voatondro, dia tsy maintsy manohana ny henatr'i Amerika rehetra ny Amerikana, ny voninahitr'i Amerika rehetra, izay hany naha-izy azy. Izay rehetra maha-izy azy, na izay haha-izy azy, dia voatondro miaraka amin'izany ianareo.

⁸⁸ Ankehitriny, mba ho Kristiana marina iray, dia tsy maintsy ho tahaka an'izany ianareo. Tsy te-hanadino an'izany isika. Izay rehetra naha-izy Azy, dia voatondro miaraka Aminy aho. Voatondro miaraka Aminy aho.

⁸⁹ Mariho, ary Izy ato amiko, ary izaho ao Aminy. Mariho, noho izany, ny Kristiana tsirairay izay tena Kristiana tena izy—Kristiana, dia niaraka Taminy, "Rehefa niaranihira ireo kintan'ny maraina ka nihiakiaka fifaliana ireo zanak'Andriamanitra, talohan'ny nisian'ny fanorenana iray

an'izao tontolo izao." Efa voatondro tao amin'ny faritra tsy mety maty niaraka tamin'Andriamanitra isika, folo tapitrisa taona talohan'ny hany nanaovana an'izao tontolo izao. Efa tany aho niaraka Taminy. Raha manana Fiainana Mandrakizay aho, dia efa tany aho niaraka Taminy. Voatondro niaraka Taminy aho, "Rehefa niara-nihira ireo kintan'ny maraina ka nihiakiaka fifaliana ireo zanak'Andriamanitra."

⁹⁰ Niaraka Taminy aho rehefa niantso an'i Abrahama Izy tamin'ny taona—dimy amby fitopolo taona, ary ny vadiny dia dimy amby enimpolo, ka niteny taminy fa hahazo zazakely iray izy ireo. Niaraka taminy aho rehefa nandray ny toerany izy teo ambonin'ny HOY NY TOMPO HOE, "Hahazo an'ilay zazakely aho." Nitsangana niaraka taminy aho. Ny Kristiana hafa rehetra dia nitsangana niaraka taminy. Niaraka taminy aho rehefa tonga ireo fakam-panahiny. Niaraka taminy aho rehefa niakatra teo an-tampom'ilay tendrombohitra izy, mba hanolotra an'i Isaka. Niaraka taminy aho rehefa niseho ilay ondrilahy.

⁹¹ Niaraka tamin'i Josefa aho rehefa nolavin'ireo rahalahiny izy, satria ara-panahy izy fa ny sisa tamin'izy ireo dia ara-nofo. Niaraka taminy aho rehefa fantany ilay latsa izay tsy maintsy niaretany avy tamin'ireo rahalahiny manokana. Izay naha-izy azy, dia izany aho. Izay maha-izy ahy, dia izany izy. "Fa iray isika rehetra ao amin'i Kristy Jesosy." Niaraka tamin'i Josefa aho tao amin'ny zohiny, fasany. Niaraka taminy aho rehefa nandeha teo an-tàhana ankavanana'i Farao izy. Tokony ho voatondro niaraka taminy ianareo.

⁹² Niaraka tamin'i Jakoba aho tamin'io alina io rehefa nitolona tamin'ilay Anjely izy nandritry ny alina manontolo. Nitolona aho, ny tenako. Fantatro izay nandalovany. Noho izany dia nitolona niaraka tamin'i Jakoba aho tamin'ilay fotoana iray ihany izay nitolomany, satria rahalahiny aho.

⁹³ Niaraka tamin'i Mosesy aho rehefa nandeha nankany Egypta izy. Niaraka tamin'i Mosesy aho tao amin'ilay roimemy nirehitra. Raha Kristiana iray ianareo, dia voatondro miaraka amin'ireo olon'ny Baiboly ireo. Aza adino izany! Niaraka tamin'i Mosesy aho rehefa nihodina nanohitra azy ny olona rehetra. Niaraka tamin'i Mosesy aho rehefa niampita ny Ranomasina Mena izy. Rehefa nanangana ny tènany izy ka nandroso, ary nisokatra ilay Ranomasina Mena, dia voatondro tao amin'i Kristy mihitsy aho tamin'izany fotoana izany, ary niaraka tamin'i Mosesy aho tamin'io ora io.

⁹⁴ Na inona na inona naha-izy an'ireo Kristiana, na inona na inona naha-izy an'ireo mpino, ny mpino tsirairay ankehitriny dia voatondro miaraka amin'io olona iray io ihany. Na inona na inona ilay izy, dia tsy maintsy voatondro ianareo. Aza adino izany. Rehefa manadino ianareo, dia tratry ny fahaverezantadidy ara-panahy; adinonareo hoe iz a ianareo.

⁹⁵ Ankehitriny dia voatondro niaraka taminy, niaraka tamin'i Mosesy, rehefa niampita an'ilay ranomasina izy.

⁹⁶ Niaraka tamin'i Elia aho tamin'ny andron'i Ahaba, rehefa tsy maintsy nanao safidy iray izy ireo hoe iza no ho tompoint'izy ireo, Andriamanitra sa Balama. Niaraka taminy isika teo amin'ny Tendrombohitra Karmela, rehefa tsy maintsy nanao an'io safidy io izy, satria voatondro tao amin'ny Vatan'ilay Andriamanitra iray ihany izay nahavoatondro azy isika. Noho izany raha voatondro ao amin'io Vatana io isika, amin'izay fotoana izay dia tsy maintsy mahatsiaro isika fa niaraka taminy tany. Marina izany.

⁹⁷ Ankehitriny, niaraka tamin'i Davida aho, rehefa nolavin'ireo rahalahiny manokana izy. Niaraka tamin'i Davida aho; ianareo dia niaraka, ihany koa, raha Kristiana iray ianareo. Tokony ho voatondro tao amin'ny fandàvany ianareo.

⁹⁸ Niaraka tamin'ireo zanaka Hebreo aho, tao amin'ilay lafaoro afo, rehefa ny—tsy afaka nandoro azy ireo ny afo nohon'ny Fanatrehan'ilay Lehilahy fahefatra.

⁹⁹ Niaraka tamin'i Daniela aho, tao an-davaky ny liona. Voatondro tao aho, rehefa nanondro azy tao ilay Anjelin'ny Tompo.

¹⁰⁰ Tena azoko antoka indrindra fa niaraka Taminy aho teo Kalvary. Tsy maintsy voatondro niaraka Taminy aho teo Kalvary. Tsy maintsy teo amin'ny toerana iray aho tany, izay, tsy hoe voatondro niaraka Taminy fotsiny ihany teo Kalvary, fa maty niaraka Taminy teo Kalvary aho. Ny Kristiana tsirairay dia tsy maintsy maty miaraka Aminy eo Kalvary. Raha tsy maty miaraka Aminy eo Kalvary ianareo, dia tsy afaka ny ho isan'ny Azy. Tany aho rehefa maty Izy. Maty niaraka Taminy aho. Ary avy eo dia niaraka Taminy aho rehefa nitsangana tamin'ny maty Izy. Niseho niaraka Taminy aho tamin'ny marainan'ny Paska, tao amin'ny fitsanganana. Na inona na inona Nataony, dia niaraka Taminy teo mihitsy aho; toy izany koa ny mpino tsirairay.

¹⁰¹ Ary ankehitriny dia mipetraka miaraka Aminy ao amin'ireo Toeran-Danitra ao amin'i Kristy Jesosy aho, miaraka amin'ny herin'ny helo rehetra resy, tamin'ny Alàlany. Ny mpino Kristiana rehetra dia nipetraka tahaka an'izany, satria tsy maintsy voatondro ianareo.

¹⁰² Ankehitriny dia mahita ny tenako aho, ao amin'ireto andro farany ireto, miaraka amin'ny Kristiana mino maro, voatondro ao amin'ny Asam-panompoany. "Izy no tsy miova omaly, anio, ary mandrakizay." Mahita ny tenako aho, ao amin'ity andro ity, voatondro ao amin'ny Asam-panompoany. Mahita ny tenanareo tahaka an'izany ve ianareo, mino an'izany, mandeha miaraka amin'izany? Mariho, ireo asa izay Nataony, dia nilaza Izy fa hanao an'ilay zavatra iray ihany ny mpino. "Ireo asa izay

Ataoko no hataonareo koa.” Noho izany dia afaka ny ho voatondro miaraka Aminy ve ianareo? Noho izany rehefa tonga eo amin’ny Teny ny latsa, dia afaka mahatanty an’ilay latsa tahaka ny Nahatantesany ve ianareo, hitanareo, voatondro niaraka Taminy? Voatondro niaraka Taminy aho.

¹⁰³ Niaraka Taminy aho tamin’ny Andron’ny Pentekosta. Niaraka tamin’ireo mpianatra aho tany ambony tany, voatondro niaraka tamin’izy ireo tao amin’ny batisan’ny Fanahy Masina.

¹⁰⁴ Manontany aho raha tsy tratry ny fahaverezan-tadidy betsaka ny fiangonana ankehitriny ka izy ireo dia tsy, ny sasany amin’izy ireo, tsy mino akory aza fa misy izany karazana Fanahy Masina izany. Hitanareo ve hoe tonga aiza ny fiangonana? Toe-javatra tena ratsy iray an’ny fahaverezan-tadidy! Hitanareo, adinon’izy ireo fa izany no Jesosy Kristy tany aoriana tany. Adinon’izy ireo hoe inona Jesosy Kristy. Nanadino izy ireo. Nihevitra izy ireo fa Izzy fotsiny dia—dia mpanao lalàna iray, na mpaminany iray, na le—lehilahy tsara iray. Adinon’izy ireo fa Andriamanitra Izzy. Adinon’izy ireo fa Izzy no tsy miova omaly, anio, ary mandrakizay. Ary tratry ny toe-javatra ratsy iray an’ny fahaverezan-tadidy ara-panahy ny fiangonana. Adinony ireo zavatra rehetra ireo. Tsy azon’izy ireo intsony Izany.

¹⁰⁵ Tsy maintsy niaraka tamin’ireo mpianatra isika tamin’ny Pentekosta, voatondro niaraka tamin’izy ireo. Voatondro niaraka tamin’ny toritenin’i Petera aho tamin’ny Andron’ny Pentekosta, ao amin’ny Asa ny toko faha-2. Nandre an’izay nolazainy aho. Mino an’izay nolazainy aho. Nankatò an’izay nolazainy aho. Ankehitriny dia voatondro ao amin’ilay zavatra iray ihany aho.

¹⁰⁶ Aza tratry ny fahaverezan-tadidy ara-panahy. Satria, ianareo dia ho, hanondro ny tenanareo amin’ny zavatra hafa ianareo. Mijanònà tsara amin’ity Teny ity!

¹⁰⁷ Niaraka tamin’ny Fiagonana isika rehefa nirahin’i Jesosy Kristy izy, ho amin’ireo Asa, ny toko faha-16. “Mandehana ianareo any amin’izao tontolo rehetra izao, ka mitoria ny Filazantsara amin’ny olombelona rehetra.” Te-ho voatondro eo aho, “Izao tontolo rehetra izao, amin’ny olombelona rehetra.” “Izao famantarana izao no hanaraka an’ireo izay mino,” afaka ny ho voatondro ao amin’izany.

¹⁰⁸ Eny, ankehitriny, voatondro ao amin’izany ve ianareo, sa tratry ny fahaverezan-tadidy ara-panahy iray, ka hitanareo fa tsy mino ianareo fa manaraka ny mpino ireo famantarana ireo? Hitanareo, raha tsy mino an’izany ianareo, amin’izay fotoana izay dia tratry ny fahaverezan-tadidy ara-panahy, hitanareo, adinonareo fa Andriamanitra no nampanantena an’izany. Hoy Izzy hoe, “Izao famantarana izao no hanaraka an’ireo izay mino.” Aza adino izany. Tsy afaka manadino an’izany ianareo nefà

ho Kristiana iray. Tsy maintsy voatondro miaraka amin'izany ianareo.

¹⁰⁹ Tsy maintsy voatondro miaraka amin'ny Masindahy Jaona ny toko faha-14 ianareo, ny andininy faha-12. "Izay mino Ahy, ireo asa izay Ataoko no hataony koa." Aza adino izany. Raha manadino ianareo, amin'izay fotoana izay dia trathy ny fahaverezan-tadidy ara-panahy. Adinonareo hoe iza ianareo. Adinonareo hoe inona no dikan'ny fanambaranareo.

¹¹⁰ Ahoana ny amin'ny, nilaza Izy hoe, "Raha mitoetra ato Amiko ianareo, ary Ny Teniko ao aminareo, dia afaka mangataka an'izay tianareo ianareo ary hatao ho anareo izany"? Voatondro eo ve ianareo, mba hino fa izany no Fahamarinana? Marka 11, rehefa nilaza Izy hoe, "Raha miteny amin'io tendrombohitra io ianareo hoe, 'mifindrà,' ka tsy misalasala ao am-ponareo, fa mino fa izay nolazainareo dia hiseho, dia afaka mahazo izay nolazainareo ianareo." Afaka ny ho voatondro eo ve ianareo, mba hino fa izany no Fahamarinana? Raha tsy izany, dia trathy ny fahaverezan-tadidy ara-panahy ianareo.

¹¹¹ Ary—ary adinonareo, fa verinareo ny fifandanjana Kristiana anareo. Tsy afaka miteny ianareo hoe an'iza ianareo. Hoy ianareo hoe, "Metodista aho. Batista aho. Izay no fantatro mikasika an'izany. Pentekotista aho. Izaho dia *ity, itsy*, na ny *hafa*." Mitandrema! Izany dia mety midika fa miseho aminareo ny famantaran'ilay aretina, hoe trathy ny fahaverezan-tadidy ara-panahy iray ianareo.

¹¹² Hoy ianareo, "Eny, Rahalahy Branham, izaho—izaho mino an'*ity*, ary izaho—izaho dia zara raha . . ." Andraso iray minitra fotsiny ankehitriny. Raha nampanantena Andriamanitra fa hanao an'ireo zavatra ireo, ary nilaza fa hisy izy ireo amin'ny andro farany, nefahihazona anareo lavitra an'izany ny fanekem-pinoanareo, dia izany no famantaranana tsara ahafahako mahita ny famantaran'ilay aretina eo aminareo. Fahaverezan-tadidy ara-panahy izany. Adinonareo ny nanondro ny tenanareo miaraka amin'ny Teny.

¹¹³ Hoy ianareo hoe, "Tsy mino aho fa sitrana ny marary." Trathy ny fahaverezan-tadidy ara-panahy ianareo.

¹¹⁴ Hoy ianareo hoe, "Tsy mino ny batisan'ny Fanahy Masina aho." Fahaverezan-tadidy ara-panahy!

¹¹⁵ Hoy ianareo, "Izaho—tsy mino aho fa nampanantena hanao an'ireo zavatra ireo amin'ny andro farany Andriamanitra." Amin'izay fotoana izay dia nihaino fanekem-pinoana iray ianareo, na foto-pampianarana anankiray, raha tokony ho ny Baiboly. Trathy ny fahaverezan-tadidy ara-panahy ianareo. Tsy fantatrareo hoe aiza no ikambananareo amin'izay fotoana izay. Milaza ianareo hoe, "Kristiana iray," nefahihazona anareo avy hatrany indray amin'ny fahaverezan-tadidy ara-panahy izany, hitanareo, tsy fantatrareo izay

itsangananareo. Tratry ny fahaverezan-tadidy ara-panahy ianareo. Tsy afaka manondro ny tenanareo miaraka amin'ny Soratra ianareo.

¹¹⁶ Tsy maintsy miaraka amin'ireo mpianatra ianareo. Tsy maintsy miaraka amin'ny Soratra rehetra ianareo, miaraka amin'ilay Fiagonana rehefa nirahina izy. Saingy, ankehitriny, rehefa nirahina ilay Fiagonana hoe, "Mandehana ianareo any amin'izao tontolo rehetra izao ka mitoria ny Filazantsara; izao famantarana izao no hanaraka an'ireo izao mino," dia izany no fanirahany. Ankehitriny izy ireo dia manana... Izany ilay fanirahana.

¹¹⁷ Saingy tratry ny toe-javatra ratsy an'ity fahaverezan-tadidy ara-panahy ity izy ireo, tahaka ny nananan'i Eva mihitsy teo amin'ny... teo aminy, nitety ny saha, indray andro. Ankehitriny dia tahaka ny Isiraelly izy, njaly tamin'io aretina iray io ihany, tsy fahazakana avy amin'ny sakafon'ny seminera iray izay hanome anareo fahaverezan-tadidy ara-panahy. Alaivo ny sakafon'ny seminera iray, dia ho tratry ny tsy fahazakana ianareo, ary avy eo, ny zavatra voalohany fantatrareo, dia ho tratry ny fahaverezan-tadidy tena ratsy ianareo. Tsy hino ny rehetra izay lazain'ny Baiboly ianareo.

¹¹⁸ Izany no olana amin'ny fiangonana amin'izao andro izao. Izany no olana tsy ahafantsika manana fifohazana amin'izao andro izao. Izany no olana amin'ny olona amin'izao andro izao. Efa nampatoriana teo ambonin'ireo saribaon'ny zavatra rehetra izy ireo, sy ny isma rehetra izay mety ho foy, hany ka tsy fantatr'izy ireo izay marina sy diso. Marina tokoa. Tsy afaka mahatadidy ny Tompony izy. Tsy afaka mahatadidy Ny Teniny izy. Tsy afaka mahatadidy ny teny fikasana izy.

¹¹⁹ Izany mihitsy no olana tamin'ny Isiraelly, rehefa tonga teo amin'ny sehatra Jesosy. Tsy afaka nahatadidy izy ireo, hoe, "Hanan-anaka ny virijiny." Tsy afaka nahatadidy izy ireo fa Mosesy dia nilaza hoe, "Ny Tompo Andriamanitrareo dia hanangana Mpaminany iray tahaka Ahy." Tratry ny fahaverezan-tadidy ara-panahy izy ireo.

¹²⁰ Izany marina tokoa no ananan'ny fiangonana amin'izao andro izao. Hoy Izy hoe, "Izao no hiseho amin'ny andro farany," fa ireo zavatra ireo dia hiseho, izay hitantsika miseho, nefà ny fiangonana dia mipetraka mihitsy tahaka ny maty tanteraka. Inona izany? Fahaverezan-tadidy ara-panahy. Isika dia miantsy ny tenantsika hoe Pentekosta, nefà tsy afaka manondro, nefà tsy afaka manondro ny tenantsika ao amin'ny Teny rehefa voatory ao amin'ny herin'ny fitsanganan'i Kristy Izany; ary eto anivontsika Izy, manao an'izany, ary manao marina tokoa an'izay Nolazainy fa hataon'Izany. Noho izany, mitandrema, ny rafitra ara-anaram-piangonantsika no nampiditra antsika tao anatin'ny fahaverezan-tadidy ara-panahy. Mijaly isika. Tsy

fantatsika hoe aiza isika no mikambana. Ny anankiray mitondra ny taratasiny avy amin'ity fiangonana ity mankany amin'ilay fiangonana *hafa*, ary *ity* fiangonana ity, sy *ity* isma ity ary *itsy* isma itsy. Hitanareo?

¹²¹ Ny ilaintsika, indray, dia Amosa hafa ho tonga eo amin'ny sehatra, miaraka amin'ny HOY NY TOMPO HOE. Handray azy ve isika? Saiky tahaka ny nataon'izy ireo. Tsy nandray azy mihitsy izy ireo. Tsy handray azy izy ireo amin'izao andro izao. Tsy afaka nametraka ny lohany tao amin'ny toerana iray izy, saiky, mba hitory teny. Ankehitriny, tena marina mihitsy tokoa izany, satria mijaly amin'io fahaverezan-tadidy ara-panahy io ny fiangonana.

¹²² Ankehitriny, nahoana? Andriamanitra no nampanantena ao amin'izao andro farany izao hoe, "Rehefa ho voambara ny Zanak'olona," araka ny Lioka, ny toko faha-17, "dia ny famantarana izay niseho tao Sodoma, no hiseho indray." Ary mahita an'izany natao ny olona, nefy ny sasany amin'izy ireo dia tsy mino an'izany akory aza. Mieritreritra izy ireo fa fifandraisana ara-tsaina izany. Mieritreritra izy ireo fa fanahin-devoly iray izany. Inona izany? Mijaly amin'ny fahaverezan-tadidy ara-panahy izy ireo. Marina tokoa izany. Tsy afaka mahazo ny Tompo izy ireo. "Jesosy Kristy no tsy miova omaly, anio, ary mandrakizay." Izay naha-izy Azy tamin'izany, no maha-izy Azy ankehitriny.

¹²³ Saingy, ny nitranga, dia tsy afaka manondro fotsiny ny tenantsika miaraka amin'ny Teny intsony isika. Nahoana? Izy, tsy fantany intsony izy na trano fialofana na fiangonana iray. Tsy tiany ny antsoina hoe trano fialofana, nefy izy tsy afaka antsoina hoe fiangonana iray; satria, mba ho antsoina hoe fiangonana iray, dia tokony hanondro ny tenany miaraka amin'i Kristy izy. Izany no manome azy fahaverezan-tadidy ara-panahy. Ary tsy tiany ny antsoina hoe trano fialofana. Noho izany ilay izy dia tsy hoe ny fiangonana Pentekotista, ny fiangonana Metodista, ny fiangonana Batista; ilay izy dia ny trano fialofana Pentekotista, trano fialofana Metodista, ary trano fialofana Batista, satria tsy afaka ho voatondro miaraka amin'ny Teny izy. Ary rehefa voaseho ny Teny, dia mbola tsy mino an'Izany foana izy ireo. Aretina iray izany, fahaverezan-tadidy ara-panahy. Tsy afaka manondro ny tenany izy ireo; tsy fantatr'izy ireo hoe aiza izy ireo no mikambana. Marina izany.

¹²⁴ Izany dia tena tahaka ny fampanarahana zavatra iray mihitsy. Araka ny nolazaiko matetika hoe, "Nieritreritra foana aho fa ny anankiray amin'ireo zavatra tena dondrona indrindra izay hany hitako dia ramole iray." Hitanareo, mifangaro iray izy. Hitanareo, ny mamany dia soavaliny vavy, ny dadany dia ampondra, ary tsy fantany hoe aiza izy no mikambana. Ary ny zavatra voalohany fantatrareo, ianareo dia, ianareo—afaka mampanaraka azy ianareo ka mahazo ampondra iray, ary

avy eo...na mahazo ramole, fa ny ramole dia tsy afaka mampanaraka ny tenany indray. Hitanareo, tsy afaka izy. Tsy afaka mampianatra azy na inona na inona ianareo. Mafy loha izy. Ianareo tsy hiteny na inona na inona mihitsy... Afaka mametraka an'ireo sofiny goavana lava ianareo. Ary hiandry hatramin'ny andro lavaindrindra an'ny fainanay izy, alohan'ny ahafatesany mihitsy, mba handakana anareo. Izay ihany. Miandry zavatra anankiray foana izy mba hanapoaka an'izany eo aminareo, raha azony atao.

¹²⁵ Ary izany no mametraka ao an-tsaiko an'ireo mody antsoina Kristiana mifangaro marobe. Nampifangaro ny fiagonana izy ireo hany ka tratry ny aretin'ny fahaverezan-tadidy ara-panahy. Tsy afaka mamokatra na inona inona indray izy ireo.

¹²⁶ Miresaka ny amin'ireo katsaka mifangaro izy ireo. Tsinontsinona ny katsaka mifangaro. Izany no zavatra ratsy indrindra hany ampidirinareo ao am-bavanareo, zavatra iray mifangaro. Izany no antony tsy maintsy itondranareo an'ireo voly kely ao amin'ny trano mafana ireo, sy ny karazan-javatra mifangaro, ka mamafy azy sy mitsabo azy ary mandrotsirotsy azy. Nahoana? Satria tsy afaka manala an'ireo bibikely amin'izany ianareo.

¹²⁷ Fa ny tena izy iray, tsy misy fangarony, dia tsy ilainareo ny manisy famonoana bibikely eo aminy. Manana Hery ao amin'ny tenany izy, mba hanala aminy an'ireo bibikely. Izany no manala an'ireo bibikelin'ny tsi-finoana amin'ny lehilahy ara-Panahy tena izy marina.

¹²⁸ Alaivo ny ramole antitra iray, ary mandehana miresaka aminy, manao hoe, “Hono ho’aho, ry tovolahy, tiako ianao hanao an’ity, itsy.”

¹²⁹ Hipetraka eo izy, “Hao! Hao! Hao!” Ireo sofiny goavana mihetsika ambony-sy-ambany. Izaho dia efa nahita ny—ny Kristiana marobe tahaka an'izany, mody antsoina.

¹³⁰ Hoy ianareo hoe, “Jesosy Kristy no tsy miova omaly, ary mandrakizay. Izao famantarana izao no hanaraka an'ireo izay mino.”

¹³¹ “Hah? Mino aho fa efa lasa ireo andron’ny fahagagana. Hah? Hah? Hah?” Hitanareo, tsy fantany izay inoany. Tsy mahafantatra na inona na inona izy. Tsy fantany hoe avy aiza izy; tsy fantany hoe ho aiza izy. Tratry ny fahaverezan-tadidin-tsoavalny izy. Tsy fantany hoe avy taiza izy, ary tsy afaka mandeha lavitra intsony.

¹³² Saingy tiako ny tsy misy fangarony tena izy iray. Oh, mora fanahy izy. Afaka miresaka aminy ianareo. Fantany hoe iza no papany, iza no mamany, iza no raibeny sy renibeny. Manana an'ireo taratasy tsy mifangaro izy mba hanehoana hoe avy taiza izy.

¹³³ Ary tiako ny Kristiana tsy mifangaro iray, izay afaka mandeha manerana ny Tenin'Andriamanitra rehetra, hatramin'ny andron'ny Pentekosta, ka manondro ny tenany eo miaraka amin'ireo olo-masina, izay nahatongavan'ny Herin'ny Fanahy Masina teo amin'izy ireo. Izany no Kristiana iray tsy mifangaro. Fantany hoe avy taiza izy. Tsy voatondro miaraka amin'ny Metodista izy, Batista, na inona na inona hafa. Voatondro ao amin'ny Tenin'Andriamanitra izy. Fantany marina tokoa hoe aiza no ijoroany. Ny Ràm-panjaka an'ny Rainy no mikoriana ao aminy; ny Ràn'i Jesosy Kristy. Fantany izay ataon'Izany! Mino ny Teny rehetra izy. Andriamanitra no miasa amin'ny alàlany ary manamarina an'izany miaraka amin'ireo famantarana izay Nampanantenainy fa hanaraka. Tsy tratry ny fahaverezan-tadidy ara-panahy izy. Tsy misy fangarony tena izy iray izy. Tiako izany.

¹³⁴ Fa ny fiangonana amin'izao andro izao dia tratry ny toe-javatra ratsy an'ny fahaverezan-tadidy ara-panahy. Tsy fantany hoe aiza izy no mikambana. Adinony ny rehetra mikasika an'Izany, adinony ireo zavatra rehetra ireo izay manao azy ho Fiangonana iray.

¹³⁵ Inona no nanao antsika tena nanan-karena arak'izay maha-izy antsika? Miditra ao amin'ny toeran'ny Laodikia indray izany, miverina ao amin'ilay toerana manan-karena tahaka ny nahai-izy an'ny Israely. Fony izy nahantre ka tsy maintsy natoky an'Andriamanitra tamin'ny zavatra rehetra izay azony natao, ny zavatra rehetra izay nataony, dia natoky an'Andriamanitra izy; noho izany dia niaraka taminy Andriamanitra, ary ara-panahy izy, ka nandroso. Fa rehefa lasa nanan-karena izy, dia izao no nitranga: naorina ireo tanànany, ary lasa ratsy fitondrantena ireo vehivaviny, namela an'izany ireo lehilahiny, namela ny fefy hilatsaka ireo mpitory teniny, ary notoheriny ireo mpaminany. Ary izany ilay karazana toerana izay nidiran'izy ireo. Ny nahatonga an'izany, dia adinon'izy ireo hoe avy taiza ny fitahian'izy ireo.

¹³⁶ Ary ianareo Metodista, sy ianareo Batista, ary ianareo Presbyterana! Afaka mahatadidy an'i John Wesley ianareo Metodista. Ianareo Batista! Ary nitomany teo amin'ireo raharahan'ny olona ilay John Smith hany ka tsy maintsy nitarika azy teo amin'ny latabatra ny vadiny, nibontsina nihidy ireo masonry, nohon'ny fitomaniana sy fivavahana nandritry ny alina manontolo. Inona no olana?

¹³⁷ Nilaza i John Wesley fa ny iray amin'ireo zavatra lehibe... Mino aho fa ny iray tamin'ireo ray Metodista voalohany dia nanao hoe, "Ny fahafaham-baraka an'ireo zanakavavin'ny fiangonana Metodista, dia ny nanomboka lasa tena arak'izao tontolo izao, nanao peratra teo amin'ny rantsan-tànany izy ireo." Inona no holazainy ankehitriny, amin'ny manao sorta?

¹³⁸ Inona no nitranga? Fahaverezan-tadidy ara-panahy. Izany marina tokoa ilay izy, nanadino hoe avy taiza ianareo. Manana an'ireo zavatra rehetra ireo ianareo satria ny fanomezan'Andriamanitra, ny fahatsarana no nanao an'izany ho anareo.

¹³⁹ Mihevitra ve ianareo fa zavatra hafahaha iray izany? Izany marina tokoa no Fanahin'i Jesosy Kristy, ilay faminaniana. Ao amin'ny Apokalypsy, ny toko faha-3, izao no voalaza hoe, "Satria hoy ianao hoe, 'Manan-karena aho, tsy mila na inona na inona aho,' nefà tsy fantatralo fa ianao dia malahelo, jamba, ory, mahantra, mitanjaka, nefà tsy fantatralo izany" Hitanareo, tsy fantany izany! Inona izany? Fahaverezan-tadidy ara-panahy. Tsy fantatr'izy ireo izany.

¹⁴⁰ Ireo fiangonana no manana ny—ny vola ankehitriny. Tsy misy fiangonana iray, saiky, ao amin'ny firenena, ara-anaram-piangonana iray, ka tsy mitentina an-tapitrisany sy an-tapitrisany dolara. Manorina tranobe sy ny sisa an-tapitrisany sy an-tapitrisany dolara, nefà mitory fa antomotra ny Fihavian'ny Tompo. "‘Manan-karena,’ ary nanao hoe, ‘Tsy mila na inona na inona aho.’" Ireo mpitory teny nianatra tsara indrindra izay hany nananan'izy ireo, dia mahafantatra teolojia betsaka noho ny hany efa fantatr'izy ireo. Ary izy ireo no manana an'ireo tranobe goavana indrindra, ireo toerana voafantina indrindra ao amin'ny tanàna. Manana an'ilay fahalahahana amin'ny zavatra rehetra izay tiany atao izy ireo. Ary avy eo dia inona no nataon'izy ireo? Tratry ny fahaverezan-tadidy ara-panahy ary nanadino fa Andriamanitra no nanao an'izany ho azy ireo, tahaka ny Isiraeli mihitsy.

¹⁴¹ Ary naminany ny Baiboly, naniraka ny Anjeliny nankany amin'i Jaona Jesosy Kristy ka nanao hoe, hahazo an'ity fahaverezan-tadidy ara-panahy ity io taom-piangonana farany io. Izy ireo dia "ory," tsarovy. Mihevitra izy ireo fa goavana. Mihevitra izy ireo fa manana zavatra. Saingy Izy no nilaza fa izy ireo dia "mahantra, ory, malahelo, jamba, mitanjaka, nefà tsy fantany izany." Ary tsy misy fomba hitenenana amin'izy ireo.

¹⁴² Ankehitriny, raha teto ivelany teo an-dàlambe teo ny lehilahy iray, afa-baraka, na vehivavy iray, nitanjaka, teo an-dàlambe, jamba, dia ho toerana iray mampalahelo ny ho ao amin'izany toerana izany. Fa amin'izay fotoana izay raha nanana ny sainy tsara izy ireo, nahafantatra hoe iza izy ireo, hoe olombelona izy ireo, ka natao hanao akanjo; eny, mivoaka eo ianareo; izy ireo dia—olombelona izy ireo, natao ho voatondro miaraka amin'ny taranak'olombelona; ary eo ivelany eo, "ory, mahantra, jamba, ary mitanjaka." Ary mandeha mankeo aminy ianareo, manao hoe, "Rahalahy, mitanjaka ianao."

¹⁴³ "Ankehitriny, indro! Izaho no Dokotera *Ranona-sy-ranona!* Ny asanao manokana fotsiny eritreretina. Teneniko aminao,

izaho dia mikambana amin'ny *Izao-sy-izao!* *Ianao* tsy manan-draharaha, ianao holy roller, hiteny na inona na inona amiko!” [Elanelana tsy voaraki-peo—Mpand.]

¹⁴⁴ Teneno izy ireo hoe, “Ratsy ho an’ny lehilahy ny manao an’izao, ary ho an’ny olona ny manao an’ireo zavatra izay atao’izy ireo.”

¹⁴⁵ Fa hampahafantatra anareo izy ireo fa malala-tsaina ny mpitory tenin’izy ireo. Hitanareo? Inona izany? Izany no, nanadino an’ireo didin’ny Tompo Jesosy izy ireo. Noho izany dia avelao Izy hidina ka hanao famantarana sy fahagagana izay Nolazainy fa Hataony, tsy te-hino an’izany izy ireo. Izany no fahaverezan-tadidy ara-panahy. Hitanareo, nanadino izy ireo! Ary mitanjaka izy ireo, nefo tsy mahafantatra an’izany, tsy mahalala an’izany.

¹⁴⁶ Mihevitra izy ireo hoe, “Satria mikambana amin’ny fiangonana fotsiny aho, dia izay ihany no ilaina.” Oh, rahalahy, izany dia tsy midika amin’Andriamanitra ankoatry ny hoe ho Franc-maçon iray na zavatra hafa, na trano fialofana hafa. Ny mikambana amin’ny fiangonana, tsy midika na inona na inona amin’Andriamanitra izany.

¹⁴⁷ Tsy maintsy ho zanakalahy sy zanakavavin’Andriamanitra ianareo. Tsy maintsy haterak’Andriamanitra ianareo, ary Andriamanitra dia ny Teny. Rehefa lasa amphan’ny raiko aho, dia lasa raiko manontolo. Rehefa lasa amphan’Andriamanitra ianareo, dia lasa Andriamanitra, amin’ny fahafenoana. Ny Teniny manontolo, mino ny rehetra amin’Izany ianareo.

Fahaverezan-tadidy ara-panahy!

¹⁴⁸ Ahoana moa raha tsy fantatrareo hoe iza no anaranareo? Ary raha ianareo dia, ho avy amin’ny fianakaviana tsara iray, izay antenaiko fa izany ianareo, raha avy tamin’ny fianakaviana’olona tsara iray ianareo, dia ahoana moa raha adinonareo ilay anaram-pianakaviana, ka mivoaka eto, miaina amin’ny fahafaham-baraka? Hoy izy ireo hoe, “Tsy Jones ve no anaranao,” na inona ilay izy. “Eny, tsy fantatro hoe iza aho.” Hitanareo? Eny àry, hitanareo, izany dia zavatra mahatsiravina iray hitoerana, toerana mahatsiravina iray hidirana.

¹⁴⁹ Eny, teo amin’izany mihitsy no nahatongavan’ny fiangonana. Natao ho solontenan’i Jesosy Kristy izy. Saingy adinony izany, satria izy dia nahazo, nanatsofoka tao aminy, an’ireo fanekem-pinoana sy anaram-piagonana, ka nanaiky an’izany izy ireo raha tokony ho ny Teny. “Ary izy ireo dia mitanjaka, jamba, mahantra, nefo tsy fantany izany,” ary tsy misy fomba hitenenana amin’izy ireo.

¹⁵⁰ Mety tsy ho eto Birmingham intsony indray aho, saingy ity no fotoana anankiray izay handrenesan’izy ireo an’izany. Hitanareo? Hitanareo? Marina. Izaho fotsiny dia...Tsy

tompon'andraikitra afa-tsy ny mamafy Voa aho. Andriamanitra no mitondra an'Izany ao amin'ny tany izay natao Handehanany.

¹⁵¹ Nanadino, eny, nanadino an'ilay Tenin'ny fampanantenana izy ireo. Nanadino izy ireo. Tao anatin'io karazana tsy fidiny io Isirael rehefa tonga Jesosy. Nanadino izy. Nijery izy ireo, oh, nilaza izy ireo fa nino fa ho avy ny Mesia iray. Saingy rehefa tonga ilay Mesia ka nanondro ny Tenany tamin'ny alàlan'ny Teny, dia nanana fombafomba marobe izy ireo hany ka nanao ny Tenin'Andriamanitra ho tsy misy fiantraikany.

¹⁵² Ary Jesosy dia nampanantena, mialoha indrindra ny andro farany hoe, "Tahaka ny tany Sodoma, dia ho toy izany koa ilay izy." Ary voatondro izany, saingy tena ara-fombafomba loatra ny olona hany ka nanao ny teny fikasan'Andriamanitra ho tsy misy fiantraikany izy ireo, tamin'ny alàlan'ny fombafombany. Fahaverezan-tadidy ara-panahy! Fahaverezan-tadidy ara-panahy marina tokoa ilay izy. Hitanareo, nanadino an'ireo zavatra ireo izy ireo.

¹⁵³ "Oh, izaho mikambana amin'ity. Izaho—izaho nanao an'ity. Efa nandihy tao amin'ny Fanahy aho. Izaho nanao an'ity." Eny, oadray, oadray, tsy misy idiran'izany, mihitsy.

¹⁵⁴ Ahoana no ahafahanareo ho Kristiana iray nefà mandà ny Teny? Tsy afaka manao an'izany ianareo. Andriamanitra no Teny. Raha ao anatinareo ny Teny, dia iray ihany ianareo sy ny Teny. Ny rehetra maha-izy ny Teny, dia ianareo izany. Amena. Raha miaina ao amin'ity taranaka ity aho, izay nampanantenain'ny ampanhan'ity Teny ity ho an'ity taranaka ity, dia tsy maintsy ho izany aho. Raha ho Kristiana iray aho, dia tsy maintsy voatondro miaraka amin'izay rehetra torian'ny Baiboly sy tohanany.

¹⁵⁵ Haleloia! Hiantso ahy hoe holy roller iray ianareo, na ahoana na ahoana, saingy mahatsapa ho tena mpivavaka aho izao ankehitriny izao. Eny, tompoko.

¹⁵⁶ Tsy maintsy voatondro miaraka amin'ny zavatra rehetra izay ambaran'ity Baiboly ity aho. Ary Izany no manome fanambarana azy, ary, raha tsy trattran'ity fahaverezan-tadidy ara-panahin'ny andro moderina ity aho, izaho dia ho ary afaka ny ho voatondro miaraka Aminy. Raha mandà Azy aho, amin'izay fotoana izay dia trattray ny fahaverezan-tadidy ara-panahy aho; nisy zavatra nitranga, nanaiky fanekem-pinoana na foto-pampianarana iray aho, na fiangonana anankiray na vondron-dehilahy iray. "Tsy afaka manao an'izany aho," kanefa tonga foana ny Teny ka manondro ny Tenany.

¹⁵⁷ Izany no antony tsy nahafantarana an'i Jesosy. "Oh," hoy izy ireo, "eny, masina ity lehilahy ity, ary mpisorona masinay, ity masinay."

¹⁵⁸ Fa hoy Jesosy hoe, "Ianareo dia avy amin'ny rainareo, ny devoly, ary ny asany no hataonareo."

¹⁵⁹ Efa fantatrareo ve fa Kaina dia nanolotra fanatitra iray tsara, ihany koa? Tso-po izy, nanorina alitara, nandohalika sy nivavaka, ary nanolotra fanatitra iray, sy nivavaka tamin'Andriamanitra. Ary raha, Andriamanitra, izay ihany no takian'Andriamanitra, ny hikambananareo amin'ny fiangonana sy hanana alitara iray, sy handoa ny ampahafolon-karenanareo sy mandeha any am-piangonana, ary hiaina fiaainana tsara; raha izay ihany no Takiany, dia tsy marina Izy raha nanameloka an'i Kaina, satria nanao an'ilay zavatra iray ihany izy. Eny, tompoko. Marina tokoa izany.

¹⁶⁰ Fa ny *fivavahana* dia midika “fisaronana iray,” ary tsy mety ho voasaron’ireo asanareo manokana ianareo. Zavatra tokana ihany no heken'Andriamanitra, ary izany dia ny Ràn'i Jesosy Kristy. Izany ilay fisaronana tokana. Any ankoatr'Izany, raha hoy ianareo hoe, “Mitandrina ny fanekem-pinoana,” dia fahaverezan-tadidy ara-panahy! Izany no nitranga.

¹⁶¹ Mariho ankehitriny, adinon’izy ireo ny Teniny. Adinon’izy ireo ny Baiboly. Adinon’izy ireo ny teny fikasana. Miezaka miaina ao anatin’ny famirapiratan’izay naha-Metodista izy ireo, izay naha-Batista, izay naha-olon-kafa. Indro ilay teny fikasan’ny andro, ka miteny Azy amin’ny alàlan’Ny Teniny Andriamanitra, ary manamarina indray sy manaporofa fa tahaka an’izany Izy, nefä mbola tsy hino an’Izany foana izy ireo. Fahaverezan-tadidy ara-panahy! Marina mihitsy izany. Very tadidy manontolo, manontolo, tsy mino an’Izany tanteraka mihitsy izy ireo.

¹⁶² Miaramila Frantsay iray. Nilazana tantara kely iray aho; alohan’ny hamaranantsika. Tsy fantatro fa efa tara mihitsy aza ilay izy, nefä aho manana eo amin’ny naoty folo pejy eo tavela; haka azy amin’ny fotoana hafa. Mariho, miaramila Frantsay iray. Nanana andiana miaramila iray izy ireo tao amin’ny tafika, ary tratran’ity fahaverezan-tadidy ity. Avy amin’ny fandònana izany, teo amin’ny ady. Ary nanana fandaharana iray izy ireo, ary izy ireo—niantso izy ireo ka namela an’ireo olona izay nahavery ny malalany hiantso sy hahita raha afaka hanondro an’ireo zazalahy ireo izy ireo. Tsy nisy fanantenana ho azy ireo, angamba roa na telo, avy tamin’izany, no nahatakatra an'ilay izy. Ary avy eo dia nentiny ny sisa tamin’izy ireo, saika hapetrany ao amin’ny trano fitsaboana iray izy ireo, izay tsy maintsy ijanonan’izy ireo amin’ny sisa amin’ny fiainany.

¹⁶³ Niakatra teo amin’ny sisin-kavoana izy ireo, niditra ny fiaran-dalamby; ary nijanona teo amin’ny fiantsonana iray izy ireo, namela an’ireo zazalahy hivoaka sy hanatsotra ny ranjony. Ary niakatra teo amin’ny havoana ireo mpiambina, mba hiambina azy ireo, satria miaraka amin’ny fahaverezan-tadidy, nahoana, izy ireo—tsy maintsy niambina azy izy ireo.

¹⁶⁴ Noho izany dia niambina lehilahy tanora iray izy ireo teo, nivoaka izy ary nanomboka njery manodidina teo amin'ilay siniben-drano, njery manodidina an'ilay havoana rehetra. Nokosehiny ny tarehiny, ary nandinika izy. Dia njery indray izy, ka hitany io siniben-drano io. Nijery nanodidina an'ilay fiantsonana rehetra izy, ary nanomboka nandeha. Raha tokony nampijanona azy ilay mpiambina, dia nanaraka azy izy.

¹⁶⁵ Nandeha niakatra teo amin'ilay havoana izy, nidina teo amin'ny lâlankely iray, nihodina niankavanana ary nandeha niakatra teo amin'ny havoana kely hafa, ary tonga teo amin'ny trano hazo kely iray. Nijery izy. Tonga teo amin'ny lavarangana, nisy lehilahy antitra iray niaraka tamin'ny tehina teny antânany, nivoaka ary nanipy ny sandriny nanodidina azy. Hoy izy, "Ny zanakolahy, fantattro fa hiverina ianao. Niteny tamiko izy ireo fa efa maty ianao, saingy fantattro fa hiverina ianao." Dia nahatsiaro tena ilay zazalahy. Niala taminy ny fahaverezantadidiny. Afaka nanondro izy hoe izy. Fantany fa ny rainy io.

¹⁶⁶ Oh, ry miaramilan'ny Hazo fijaliana, izay efa voadonan'ny fanofanana betsaka, fandònana maro an'ny anaram-piagonana sy fanekem-pinoana, ary ireo zavatr'izao vontolo izao, nahoana ianareo no tsy manao dingana mandritry ny minitrà vitsy fotsiny ka mandeha mijery manerana ny Baiboly? Mety mirenireny, nefà mety hahita ny tenanareo voatondro ato amin'ny Teny ianareo, ho mpino iray, indray andro any. Mety tsy mahafantatra Azy ianareo. Mety hahatsiaro tena ianareo, tahaka an'ilay zanaka adala, ka hahita ny tenanareo. Mety hahita ny fanondroanareo ao amin'ireo Tenin'Andriamanitra ianareo.

¹⁶⁷ Nilaza ny olona iray, indray andro, vao tsy ela akory izay, nanao hoe, "Fa, Rahalahy Branham, jereo izahay vahoaka Pentekotista, fiangonana tsara toy ny inona no ananananay. Nahoana, izahay, manana mpitoriteny izay efa niofana izahay."

¹⁶⁸ Henoy, rehefa manambady vady iray ny lehilahy iray, dia tsy mitoky amin'ny hatsaran-tarehiny izy. Tsia. Mitoky amin'ny fahatokiany ny voadiny izy, ny teniny. Tsy mitoky amin'ny hatsaran-tarehiny izy. Mitoky amin'ny fahatokiany izy.

¹⁶⁹ Ary tahaka an'izany rehefa manambady an'Andriamanitra ianareo, dia tsy mitoky amin'ny fiangonana goavana tsara tarehy iray izay azonareo haorina, fa amin'ny teny fikasana izay nataon'i Jesosy Kristy, hoe, "Izaho no tsy miova omaly, anio, ary mandrakizay." Mino an'izany ve ianareo? [Hoy ny fiangonana hoe, "Amena."—Mpand.]

Ndao isika hanondrika ny lohantsika vetivety fotsiny.

¹⁷⁰ Manontany aho, izao hariva izao, ato amin'ny tranobe izay ipetrahan'ny olona eto, izay misy lehilahy sy vehivavy izay olona Mandrakizay, voatokana ho an'ny Mandrakizay, ka fantatrareo fa indray andro any na hafa dia tsy maintsy hihaona amin'Andriamanitra ianareo. Ary manontany aho raha nanana

fofon'aina kelin'io fahaverezan-tadidy io ianareo, ary ianareo dia... Efa voatondro tao amin'ny zavatra ratsy ianareo, ary ianareo dia—tianareo ny handroso kely manerana, izao hariva izao, ka hahita fa tsy afaka ho voatondro ao amin'i Kristy Jesosy ianareo? Hanangana ny tānanareo ve ianareo, hanao hoe, "Mivavaha ho ahy, Rahalahy Branham, izaho—te-ho voatondro ho tena Kristiana aho, tena mpino iray." Andriamanitra hitahy anao. Andriamanitra hitahy anao. Hitahy anao! Oh, eny, ny manodidina rehetra. Ny Tompo Andriamanitra hitahy anareo.

¹⁷¹ Olona iray eny ambony rihana, hilaza ianareo hoe, "Rahalahy, mino marina tokoa aho fa izany no Fahamarinana. Mino aho, amin'ny maha-Kristiana, fa tsy Kristiana tahaka azy ireo taloha tamin'ny taona maro lasa isika."

¹⁷² Ahoana ny aminareo vahoaka Pentekotista, rehefa nitsangana teto an-dàlambe teto ny reninareo sy ny rainareo taloha, ary nikapoka amponga tranaindy iray. Ary ny reninareo, ahoana fa izy dia tsy maintsy... tsy maintsy reraka izy, ary nitolona niaraka taminareo ankizy kely. Indraindray dia tsy maintsy nandeha tsy nisy akanjo ianareo, ary ny zavatra hafa rehetra, saingy nahatoky tamin'ilay Antony i dada sy neny, mba hihazona an'i Kristy.

¹⁷³ Jereo izay nataonareo vahoaka Pentekotista. Dimampolo taona lasa izay, nivoaka avy tao amin'ilay rafi-pandaminana ianareo. Izany no manao anareo ho Pentekosta, nanasaraka ny tenanareo tamin'ny tsi-mpino ianareo. "Fa tahaka ny kisoavavy nankeo amin'ny fotany, sy ny alika nankeo amin'ny lòany," dia nandeha niverina avy hatrany ianareo ka nanao an'ilay mitovy ihany, nanao an'ilay karazana loto iray ihany izay nivoahanareo. Inona no olana? Niseho teo anivon'ny olona ny fahaverezan-tadidy ara-panahy. Manana ny fanekem-pinoanareo sy ny taratasy ara-anaram-piangananareo ianareo ankehitriny, ary miaraka amin'ny sisa amin'izy ireo mihitsy ianareo, te-hiaraka amin'ny sisa amin'izy ireo. Namela ny vehivavinareo hanapaka ny volony ianareo, nanao lokon-tarehy. Ianareo, mamela azy ireo hanao an'ireo zavatra rehetra ireo ianareo, mamela an'io karazan-javatra io ao anatin'ireo—ao anatin'ireo fiangonana. Inona izay? Fahaverezan-tadidy ara-panahy.

¹⁷⁴ Noho izany, ny zavatra voalohany fantatrareo, rehefa manomboka mamangy eo anivon'ny olona Andriamanitra, amin'izay fotoana izay dia inona no mitranga? Tsy afaka mandray an'izany ianareo. Hitanareo, efa tena marary amin'io fahaverezan-tadidy io ianareo, hitanareo, ilay zavatra tokana hany renareo. Tsy mihevitra ve ianareo fa tokony hivoaka avy ao amin'io fanekem-pinoana io mandritry ny minitra vitsy fotsiny ianareo ka handray ny Baiboly, ary hahita hoe natao hitovy amin'ny inona ny Kristiana iray? "Izao famantarana izao no hanaraka an'ireo izay mino!"

¹⁷⁵ Asa, hoy i Petera hoe, “Mibebaha, ny tsirairay avy aminareo, ary aoka hatao batisa amin’ny Anaran’i Jesosy Kristy ho an’ny famelàna ny fahotana, ary ianareo handray ny fanomezan’ny Fanahy Masina; fa ny teny fikasana dia ho anareo, sy ny zanakareo, ary ireo izay lavitra, arak’izay hantsoin’ny Tompo Andriamanitsika.” Raha miteny aminareo izy ireo hoe tsy tahaka an’izany Io, amin’izay fotoana izay dia tratry ny toe-javatra ratsy an’ny fahaverezan-tadidy ara-panahy ny pasiteranareo. Tsy afaka mahita ny tenany voatondro miaraka amin’io Fiagonana io izy; tsy rafi-pandaminana; Fiagonana iray, Vatana mahagaga an’i Kristy.

¹⁷⁶ Ankehitriny dia eto ny Fanahy Masina. Eto Izy mba hanao marina tokoa an’izay Nampanantenainy hatao. Ankehitriny raha mbola eto ianareo miaraka amin’ny lohanareo miondrika, dia manohiza mivavaka fotsiny. Avelao hiteny ny Fanahy Masina, Izy tenany. Dia jereo raha ity... Ny olona rehetra dia mahafantatra an’izany, ilay teny fikasana, inona izany ho an’ity andro ity. Ankehitriny ianareo izay manana ilaina, izao hariva izao, ianareo, maro aminareo no nanangana ny tanganareo. Alohan’ny anaovanareo an’izany...

¹⁷⁷ Manontany aho, raha mbola eto isika ary mivavaka marina tokoa ho an’ny marary, dia manontany aho raha afaka hanalavitra an’io tsi-finoana io ianareo, io anaram-piagonana io, io fanekem-pinoana io izay miteny aminareo fa tsy tahaka an’izany ireo zavatra ireo, io anankiray izay hiteny aminareo io fa avy amin’ny devoly Izany. Rehefa manao an’izany izy ireo dia, “Tsy havela mihitsy izy ireo, ao amin’ity fiainana ity na ny fiainana ho avy.” Ahoana moa raha Ity no Fahamarinana? Eritrereto fotsiny, ahoana moa raha izany Izy, amin’izay fotoana izay dia aiza ianareo? Hitanareo, tsy mila miteny an’izany ianareo; minoa fotsiny an’izany ao am-ponareo. Ary misy olona eto izay mino an’izany. Nipetraka teto mihitsy aho, nandritry ny hariva roa farany, niasa mafy teo ambanin’ny zavatra iray, izao fotsiny, oadray, nihazona sy nanaikitra ny lelako, mba tsy hiantso an’ilay izy mihitsy.

¹⁷⁸ Ary tsarovy, ry sakaiza, izany dia eo aminareo sy Andriamanitra. Ahoana moa raha diso izany, ary ianareo mieritreritra an’izany? Fantatrareo izay mitranga, tsy havela mihitsy ianareo ny amin’izany. Fahaverezan-tadidy ara-panahy, hiditra avy hatrany ao amin’ny fahafatesanareo Mandrakizay ianareo, tsi-finoana. “Izay tsy mino dia efa voaheloka sahady!”

¹⁷⁹ Ankehitriny dia mivavaha ho an’ny aretinareo, manaova hoe, “Tompo Jesosy, Ianao no nampanantena. Izaho...”

Angamba misy vahiny sasantsasany eto, izay tsy mbola teto mihitsy tany aloha.

¹⁸⁰ Jesosy no nampanantena hoe, “Tahaka ny tamin’izany,” haka Soratra anankiray aho, “tamin’ny andron’i Lota,” rehefa

voaseho tao amin'ny vatan'ny nofo iray Andriamanitra; ary ny olona, Abrahama, ilay vondrona voafidy, ilay vondrona nantsoina hivoaka. Ary ny anaran'i Abrama dia novaina ho Abrahama, avy eo dia hitany fa tonga nofo ny Teny, ary Izany dia namantatra an'ireo eritreritra izay tao am-pon'i Saraha.

¹⁸¹ Ary rehefa tonga ilay Taranaka Mpanjakan'i Abrahama, dia izany no Nataony, nefo izy ireo niantso Azy hoe "devoly iray."

¹⁸² Hoy Izy hoe, "Ankehitriny rehefa tonga ny Fanahy Masina, dia hanao an'ilay zavatra iray ihany." Hoy Izy, "Ankehitriny dia misy famelàna rehefa miantso Ahy an'izany ianareo, fa, rehefa miteny manohitra ny Fanahy Masina ianareo, dia tsy misy famelàna."

¹⁸³ Ankehitriny Izy dia mety, ao amin'Ny Heriny, ho tonga manerana an'ity fanatrehan'olona ity, na aiza na aiza ianareo, ary miaraka amin'ny Famantarany ara-panahy maneho fa Izy no Teny. Noho izany raha misy iray eto mijaly amin'ny fahaverezan-tadidy, ka izy ireo dia tsy...tsy hanana fialan-tsiny, alohan'ny ahavitan'ity antso eny amin'ny alitara ity.

¹⁸⁴ Enga anie hanampy ny Tompo Andriamanitra. Ankehitriny miaraka amin'ny lohanareo miondrika, mivavaka am-panajana.

¹⁸⁵ Hitanareo, misy ramatoa iray mipetraka eto alohako eto. Mampakatra ny tènany eo amin'ny tarehiny izy. Mijaly amin'ny aretin'ny taolan-damosina izy. Ary lasa mikorontan-tsaina ihany koa izy. Tratry ny aretim-bavony izy. Ary mipetraka eto alohako eto izy ankehitriny. Ary mety mahafantatra izy, tsy avy amin'ity firenena ity izy. Avy any amin'ny tanàna iray antsoina hoe Macon izy. Hia. Mino ve ianao fa Andriamanitra dia afaka miteny amiko hoe iza ianao? Ianao no Ramatoakely Ayers. Raha marina izany, dia atsangano ny tènananao. Vahiny aminao aho. Marina izany, sa tsy izany? Ankehitriny dia tapitra ny aretinao. Jesosy Kristy; nikasika ny Akanjony ianao. Izy no nanao anao ho salama. Ankehitriny dia inoy fotsiny izany.

¹⁸⁶ Misy lehilahy iray mipetraka ery aorian'ny tranobe. Mitady ny batisan'ny Fanahy Masina izy. Mila ny batisa miaraka amin'ny Fanahy izy. Mitsangana eto anoloako eto izy. Izy dia tsy avy eto, ihany koa. Avy any Carolina izy, Charlotte. Lepoe no anarany. Minoa amin'ny fonao rehetra, dia Andriamanitra no hameno anao ny Fanahy Masina, ry—ry rahalahiko, raha hino an'izany ianao.

¹⁸⁷ Indro, eto amin'ny ankavanako, indro ny—ny lehilahy iray sy ny vadiny dia mipetraka eto alohako eto mihitsy. Mpivady antitra iray izany, eto ankavanako. Ilay ramatoa dia mijaly amin'ny aretin'ny tsinaibe. Ny vadiny dia tratry ny aretim-po. Tsy avy eto izy ireo. Avy any Tennessee izy ireo. Atoa. sy Rtoa. Thomas, raha hino amin'ny fonareo rehetra ianareo, dia atsangano ny tènananareo ary afaka hanaiky ny fahasitrananareo ianareo. Jesosy Kristy no manao anareo ho salama. Izany marina

tokoa no Nampanantainy hatao. Fa tsy mbola nahita an'ireo olona ireo mihitsy aho teo amin'ny fiainako.

Fahaverezan-tadidy ara-panahy!

¹⁸⁸ Hoy Jesosy hoe, “Ireo asa izay Ataoko no hataonareo koa. Vetivety foana, dia tsy hahita ahy intsony izao tontolo izao; fa ianareo no hahita Ahy, satria Aho,” mpisolo anarana, “homba anareo, ho ao anatinareo mihitsy aza, hatramin’ny fahataperan’izao tontolo izao.” “Jesosy Kristy no tsy miova omaly, anio, ary mandrakizay.”

¹⁸⁹ Ankehitriny, ho an'ireo lehilahy sy vehivavy ato, izay manana zavatra tsy mety fotsiny aminareo, ka tsy afaka mahita fotsiny ianareo hoe ahoana... Ianareo, te-hino ianareo, saingy tsy mety tafiditra ao amin'izany fotsiny, nefo te-hivavahana ianareo, te-hanaiky Azy ianareo raha mbola ao amin'Ny Fanatrehany, ho avy ve ianareo ka hitsangana eto akaikiko eto mihitsy, hamela ahy hivavaka sy hametra-tànana eo aminareo. Raha ho avy eto mihitsy ianareo ankehitriny, ianareo izay mijaly tahaka an'izany, miaraka amin'ny fahaverezan-tadidy ara-panahy, ka te-hivavahana, mba ho afaka amin'izany ianareo. Raha ianareo no tsy—tsy mpino iray, nefo te-hivavahana, tongava eto ary mitsangàna. Andriamanitra hitahy anao, ry lehilahy tanora. Hisy olon-kafa ho avy ve? Andriamanitra hitahy anao, ramatoa. Avia. Andriamanitra hitahy anao, ramatoa tanora. Hisy olon-kafa iray ho avy ve? Avia, mitsangàna eto mihitsy, izao ankehitriny izao.

¹⁹⁰ Fahaverezan-tadidy ara-panahy, tsy te-ho voan'izany aho. Andriamanitra anie handrara. Avelao aho—avelao aho ho faty amin'ny fahafatesan'ny—an'ny zavatra rehetra, fa aza mamela ahy mihitsy ho faty amin'io fahafatesana io toy ny tsimpino iray.

¹⁹¹ Avia, ekeo Izy ankehitriny. Tsy hanao an'izany ve ianareo? Avia avy eo, ary midina avy eny ambony rihana, ry sakaiza. Dingana kely fotsiny avy eo izany, saingy mety midika ho fahasamihafana eo amin'ny fahafatesana sy Fiainana izany, ho anareo.

¹⁹² Jereo, tsy afaka hampanao na inona na inona an'i Kristy aho. Tsy mila manao afa-tsy zavatra anankiray Kristy: Izy dia tsy maintsy mihazona Ny Teniny. Tsy maintsy manao an'izany Izy mba ho Kristy, ho Andriamanitra. Tsy maintsy mihazona Ny Teniny Izy.

¹⁹³ Tsarovy ankehitriny, raha tsy manana antoka ny amin'ny fahatsapanareo ianareo, dia nahoana no tsy midina ankehitriny. Raha mikambana amin'ny anaram-pianganana iray fotsiny ianareo, raha zafikely Pentekotista iray fotsiny ianareo, tsy manana zafikely Andriamanitra. Manana zanakalahy sy zanakavavy Izy, fa tsy zafikely lahy sy -vavy. Hitanareo?

Tsy manana an'izany Andriamanitra. Manana zanakalahy sy zanakavavy fotsiny Izzy, ary fantatrareo fa tsy izany ianareo.

¹⁹⁴ Angamba efa niteny tamin'ny fiteny tsy fantatra ianareo, mety efa nandihy ianareo, mety efa nanao an'ity rehetra ity ianareo. Mety tsara izany. Tsy manana na inona na inona manohitra an'izany aho. Kanefa raha mbola manana an'io fahaverezan-tadidy io foana ianareo, dia midina, ary avia eto ka mitsangâna eto. Ndao isika hivavaka mikasika an'izany. Ahoana hoy ianareo? Ry mambram-piagonana, mambram-piagonana iray fotsiny—ara-anarana iray fotsiny, nahoana ianareo no tsy tonga eto ka ndao isika hanala an'izany izao ankehitriny izao.

¹⁹⁵ Tsy te-hiala eto Birmingham eto aho, ka mahafantatra fa indray andro any, rehefa tonga ny Fitsarana, dia tsy maintsy hitsangana eo anatrehanareo aho amin'izay fotoana izay... Tsarovy, hihaona aminareo indray aho. Raha tsy mihaona aminareo intsony aho eto amin'ity, dia hihaona aminareo aho ao amin'ny Fitsarana ka tsy maintsy hamaly ny amin'izay nolazaiko izao hariva izao.

¹⁹⁶ Henoy ankehitriny. Mibebaha, ry sakaiza! Mibebaha, mialà amin'izany. Mivoaha avy eo. Avia ankehitriny.

¹⁹⁷ Izany dia tokony hanao ny vehivavy rehetra mitapa-bolo ato amin'ity firenena ity, na ity toerana ity, ho tonga eto ankehitriny. Tena marina tokoa izany. Fa, fa tsy manana fahasoavana betsaka hilaza marina tokoa ianareo hoe, “Izaho—izaho—izaho—izaho dia te, izaho dia te-hamela ny voloko haniry, Ranadahy Branham.” Izany dia tokony... “Izaho manana... Eny, tsy manana fahasoavana hanao an'izany aho.”

Nahoana, hoy ianareo hoe, “Misy zavatra idiran’io amin'izany ve?”

¹⁹⁸ Teto vao tsy ela akory izay, dia nanatona ahy ny mpitoriteny tena malaza iray, ka nanao hoe, “Te-hametra-tânana eo aminao aho, Rahalahy Branham.” Hoy izy, “Ny olona rehetra dia mihevitra anao ho mpaminany.”

Hoy aho hoe, “Tsy mbola nilaza mihitsy aho fa mpaminany aho.”

¹⁹⁹ Hoy izy hoe, “Saingy ny olona dia mihevitra anao ho izany. Mandrovitra an'ireo vehivavy foana ianao, mikasika ny fanaovana sorta,” ary—ary, oh, lehilahy Pentekotista iray. Dia hoy izy, “Mikasika ny fanaovana sorta, sy manapaka ny volony, sy ny sisa.” Hoy izy, “Tsy asanao izany.”

Hoy aho hoe, “Asan’iza ilay izy raha izany?”

²⁰⁰ Dia hoy izy hoe, “Ireo olona ireo, nahoana ianao no tsy mampianatra an'ireo vehivavy ireo hoe ahoana no tokony, hananana fanomezam-pahasoavana ara-panahy lehibe, ka hanampy ny olona, raha tokony hiezaka ny...” Hoy izy, “Manaja anao izy ireo. Izay teneninao amin’izy ireo, dia hino

anao izy ireo.” Hoy izy, “Nahoana ianao no tsy miteny amin’izy ireo hoe ahoana no hahazoana an’ireo fanomezam-pahasoavana lehibe sy hanampy ny olona, raha tokony hanameloka azy ireo foana?”

²⁰¹ Hoy aho hoe, “Ahoana no ahafahako mampianatra alzebra azy ireo nefo izy ireo aza tsy hianatra ny ABD-ny akory?” Hitanareo? Hitanareo?

²⁰² Tsy maintsy manomboka avy any amin’ny ambany ianareo, mibebaka raha tsy izany dia levona! Afaka manao izay mety amin’ny tenanareo ianareo ankehitriny, mibebaka raha tsy izany dia levona! Nanondro ny Tenany marina tokoa Jesosy Kristy teto, isan-kariva. Ary ity no hariva izay nitodihantsika ho amin’ity famonjena ity. Dingana vitsy iray fotsiny izany eto, ary manana fotoana betsaka hiandrasana aho.

²⁰³ Tsarovy, ry Birmingham, tsy eto amiko ny rànareo. Tsy manan-tsiny aho. Ary raha manana ny Fanahy Masina marina tokoa ianareo, dia manana fanararaotra iray mba ho avy ianareo ankehitriny. Ary raha mijaly amin’ny karazana ara-piagonana iray ianareo izay nahatonga anareo hahazo fahaverezan-tadidy ara-panahy, dia nahoana no tsy avy? Jesosy no fitsaboina. Tsy ho avy ve ianareo?

²⁰⁴ Ankehitriny dia nisy olona vitsivitsy niala teny ambony rihana. Niandry aho mba hahita hoe aiza izy ireo, nivoaka sa nanatona ny alitara. Ireto eto ireto, tongava manodidina. Marina izany. Ianareo izay eto, avia mitsangàna manodidina ny alitara, manaova hoe, “Vitako ny amin’ity.” Eny, midina izy ireo, ramatoa anankiroa. Tsara izany.

²⁰⁵ Tongava avy hatrany ankehitriny. Dingana vitsivitsy avy eo. Ary ireo dingana ireo dia mety midika an’ilay fahasamihafana.

²⁰⁶ Ankehitriny, jereo, te-hanontany zavatra aminareo aho. Ahoana moa raha tena tonga Izy izao hariva izao? “Oh,” hoy ianareo, “tsy ho avy Izy.” Tsy fantattro na ho avy Izy na tsia. Izao no famantaranana farany. Tsarovy, HOY NY TOMPO HOE! Efa mba nandre ahy nilaza afa-tsy izay marina ve ianareo? Eo am-pahitana ny famantaranareo farany ianareo. Ara-tSoratra izany. Efa nahita ny famantaranareo farany ianareo, ry Pentekosta. Aza mikorontana ankehitriny amin’izay Nampanantenainy ho an’ny Isiraely aorian’ny Fampakarana; tsy ianareo izany. Vita ianareo, amin’io fotoana io. Hitanareo? Izao no andronareo. Izao no famantaranareo. Izao no fotoanareo. Aza mandà an’Izany. Aza manao an’izany. Tsaratsara kokoa aminareo ny ho tonga. Mino ahy ho mpanompon’Andriamanitra ve ianareo? Tsarovy.

²⁰⁷ Birmingham, tsy mbola nihaona tamin’ny vahoaka tsara kokoa aho. Ianareo no vahoaka tsara indrindra izay tiako nihaonana teo amin’ny fiainako, saingy mila fifohazana iray ianareo. Eo am-pahafatesana ianareo. Eo am-pandraisana fahaverezan-tadidy ara-panahy ianareo. Eo am-pahafatesana

ianareo. Aza manao an'izany. Fohazo izay anananareo. Akaro indray izany, haingana, alohan'ny ahatongavan'i Jesosy.

²⁰⁸ Eny àry, izy ireo raha mbola . . . Manohiza tonga. Avelao fotsiny izy ireo hanohy ho tonga mandra-pahazoantsika ny rehetra, izay antsoin'ny Tompo, ho eto. Avia ankehitriny.

²⁰⁹ Ialao io fahaverezan-tadidy io. Eto ilay Mpitsabo lehibe ankehitriny hanasitrana an'izany, hanaisotra an'izany aminareo. Efa nanaporofo Izy fa eto Izzy. Firy no hanondro an'izany, amin'ny fananganana ny tànanareo, manaova hoe, "Mino marina an'izany tokoa aho; fa Izzy no nilaza fa Hataony izao"? Hitanareo? Eto Izzy ankehitriny. Hitanareo? Hitanareo? Minoa ianareo.

²¹⁰ Ary firy no mahafantatra fa miteny ny fahamarinana aminareo aho, hoe eo am-pahafatesana ianareo ka mila fifohazana iray? [Hoy ny fiangonana hoe, "Amena."—Mpand.] Hitanareo? Marina izany.

²¹¹ Vahoaka mahafinaritra ianareo. Tsy afaka mahita tsaratsara kokoa ianareo. Tsy misy fo tsaratsara kokoa midoboka, noho ny eo ambanin'ireto lobaka Tatsumo eto ireto. Marina izany, tena vahoaka! Fa, ry havana, tsaratsara kokoa aminareo ny mifoha, haingana mihitsy! [Mikapoka eo amin'ny polipitra Rahalahy Branham—Mpand.] Amin'ny ora izay tsy eritreretinareo, no mety hitranga izany. Mety tsy hitranga izany; tsy fantatro.

²¹² Fa, tsarovy, eo am-pahazoana ny fampitandremanareo farany ianareo, noho izany dia mandosira raha mbola manana fotoana handosirana ianareo. Avia ankehitriny. Raha mbola tonga foana izy ireo, dia hanohy hiandry aho, satria mety misy . . . Ny fanahy iray dia izao tontolo izao iray alina no teti-bidiny. Ary raha mbola eo amin'ny faharesen-dahatra ny olona . . .

²¹³ Tiako ny hahita an'ity hamokatra fifohazana goavana be iray izay hitondra ny fiangonana tsirairay manodidina eto; raha hamotika an'ireo fahasamihafanareo ianareo ka hanaisotra an'io fitiavan-tena rehetra io, ary hanaiky ny Fanahy Masina. Nilaza ianareo fa mino an'Izany. Nilaza ianareo fa mino an'Izany, ary, rehefa tonga eo amin'ny fanondroana ny Tenany Izany, amin'izay fotoana izay dia hifampisaratsaraka ianareo. Nahoana no tsy manakambana ny fontsika amin'ny Tenin'Andriamanitra ka mino ny Fahamarinana? Izany no izy. Hanohy fotsiny ho faty ianareo, ho faty, ka hiditra avy hatrany ao anatin'i Laodikia. Izay Nampanantenainy marina tokoa, dia ho tahaka an'izany Izzy. Tsy ho avy ve ianareo ankehitriny? Izao no andro. Izao no fotoana nekena. Diniho izay hataon'ny Fanahy Masina.

²¹⁴ Ankehitriny dia tiako ny mpitoriteny rehetra eto, izay liana ny amin'ireto olona ireto, avia hivavaka miaraka amiko, ihany koa. Manatôna eto, ireo mpitoriteny rehetra izay liana ny amin'ireto olona ireto. Avia, tongava fotsiny manodidina, ary mandehana eo anivon'ny olona, ny mpitoriteny na mpiasa

manokana, mpiasa manokana tsara, vehivavy iray izay te-hitsangana miaraka amin'ireto vehivavy ireto ankehitriny. Hino aho, amin'ny foko rehetra, fa ny Fanahy Masina dia ho tonga eto amin'ity toerana eto ity mihitsy ankehitriny ka hanondro ny Tenany mihitsy eo anivon'ireto olona rehetra ireto.

²¹⁵ Ankehitriny dia mamele ahy hanoro hevitra an'ireto olona eto ireto, aloha. Ankehitriny, ry sakaiza, na ho an'inona na inona maha-eto anareo, dia Izy no mahafantatra. Ary afaka manaporofa an'izany aminareo aho, Izany dia handray, tsirairay, hitondra anareo eto ambonin'ity lampihazo ity, ka tsy hisy zavatra anankiray izay tsy ho Hampahafantariny. Ankehitriny dia efa hatramin'ny naha-zazalahy kely ahy izany. Tsy misy fanontaniana io fanomezam-pahasaoavana io. Fa ny fanontaniana dia, afaka mandray an'izany ve ianareo? Afaka mino an'izany ve ianareo? Eto Izy ankehitriny. Eny, raha eto Izy, amin'izay fotoana izay dia zavatra tokana ihany no misy, mihazona Ny Teniny Izy. Noho izany dia minoa fotsiny fa mandray an'izany ianareo, ka ekeo izany, ary mitsangàna ka manaova hoe, “Tompo Andriamanitra, eto aho hanaiky an'izany,” ary mijanòna eo fotsiny mandra-pitrangan’ilay izy.

²¹⁶ Tahaka ny nolazain'i Buddy Robinson indray mandeha, tao amin'ny tanin-katsaka iray. Hoy izy hoe, “Tompo, raha tsy hanome ahy ny Fanahy Masina Ianao, rehefa miverina Ianao dia hahita antontan-taolana mandry eto mihitsy Ianao.” Tena matotra mihitsy izy. Ary tsy hahazo na inona na inona avy amin’Andriamanitra mihitsy ianareo raha tsy mamoy fo betsaka.

²¹⁷ Ankehitriny, efa voamarikareo ve ilay vokatry ny androany, efa voamarikareo ve izay ataontsika androany? Isika, tokoa, manana betsaka an’Andriamanitra isika mikasika antsika hany ka tonga eo amin'ny lampihazo isika, hoy isika hoe, “Eny, tsaratsara kokoa ho ahy angamba ny manatona.” Ankehitriny dia fahatsapana maneran-tany izao. “Eny, tsaratsara kokoa ho ahy ny mandroso ka mitsangana.” Hoy ianareo, “Eny, eny, tsy fantatro. Inty aho, hitanareo.” Ham! Toerana iray idirana toy ny inona! Tsy misy afo mandoro. Tsy misy hafanam-po. Tsy misy ny “midira ao amin’Izany!” Ary, amin'ny maha-evangelista iray, dia mamono ahy fotsiny ny mahita ny vahoakan’Andriamanitra ao amin’izany toerana izany. Natao hirehitra isika.

²¹⁸ Saingy, hitanareo, inona izany? Izany marina tokoa no noteneniko taminareo. Apokalypsy 3, “Matimaty ianao. Ary,” hoy Izy, “satria matimaty ianao, amin’izay fotoana izay dia handò anao avy amin’ny Vavako Aho.” Marina ve izany? [Hoy ny fiangonana hoe, “Amena.”—Mpand.] Izany no Nolazainy. Ary, raha nilaza an’izany Izy, dia izany no Hataony. Noho izany dia aoka isika tsy ho izany vahoaka izany.

²¹⁹ Eto ianareo, manana ilaina. Ndao isika handray an'Izany, na ho faty, eto mihitsy. Marina izany. Ndao isika handray an'Izany, na ho faty.

²²⁰ Ankehitriny, ry rahalahy malalako, ranabavy, raha afaka ho tonga aho ka hanampy anareo hanao zavatra, dia azoko antoka fa hataoko izany. Ankehitriny, amin'ny alàlan'ny fanomezam-pahasoavana iray, dia afaka miteny aminareo an'izay maha-eto anareo aho. Afaka miteny aminareo aho hoe inona, amin'ny alàlan'ny Fanahy Masina, amin'ny alàlan'ny Fanahin'Andriamanitra, miteny aminareo hoe ho an'ny inona no ahatongavanareo, inona no efana nataonareo, ho inona ny ho avy, na zavatra tahaka an'izany; saingy tsy izany no mahasahaha an'ilay izy. Tsy maintsy manaiky an'Ity ianareo, ny tenanareo. Tsy maintsy ianareo ilay izy!

²²¹ Vonona ve ianareo ankehitriny? Atsangano ny tènanareo, manao hoe, "Vonona aho. Vonona ny ho faty eto mihitsy aho." Ankehitriny dia aza manao an'izany raha tsy matotra amin'izany ianareo. "Vonona aho ny ho faty eto mihitsy, na hahazo an'izay ilaiko avy amin'Andriamanitra." Amena. Vonona marina tokoa ve ianareo? [Mifaly ny fiangonana ka manao hoe, "Amena."—Mpand.]

²²² Noho izany dia aoka hitsangana ny mpanatrika, hatraiza hatraiza. Ankehitriny miaraka, miaraka, ndao isika hampiray ny tenantsika miaraka. Ndao isika hivavaka. Ary ndao fotsiny isika... Ianareo mpitoriteny ankehitriny manatôna mankeo amin'ireto olona eto ireto, ny tsirairay avy, ary ianareo no misolo tena ny tènan'i Kristy ankehitriny.

²²³ Ianareo izay mila ny Fanahy Masina, ianareo izay mila an'izany fahatsapana izany, tsy fahataitairana ara-pientanampopo; mila ny Fanahy Masina ianareo, ilay Aina, ilay tsimok'Aina ao anatinareo. Ary te-hiala amin'io fahaverezan-tadidy io ianareo izay manao anareo—tsy afaka manondro ny tenanareo ianareo; tsy fantatrareo hoe aiza ianareo no mitsangana; tsy fantatrareo hoe inona ianareo; ndao isika hiala amin'izany izao ankehitriny izao! Misy Fahaterahana vaovao eto ho anareo, ny tena, Fahaterahana vaovao tena izy.

²²⁴ Ankehitriny dia ndao isika hametraka ny tènantsika eo amin'ireto olona ireto. Ndao isika, ny tsirairay avy, hanangana ny tènantsika ka hivavaka miaraka amin'ny saina iray.

²²⁵ Ray any An-danitra, amin'ny Anaran'ny Tompo Jesosy, ekeo, Tompo, mba amin'ny Anaran'i Jesosy Kristy, mba ho tonga ny Fanahy Masina izao hariva izao, amin'ity Sabotsy hariva ity, toy ny nilatsahan'ny Fanahy Masina tahaka ny rivotra mahery mifofofofy iray. Enga anie ireto olona ireto ho vita batisan'ny Fanahy Masina. Enga anie ilay Afo sy Herin'Andriamanitra tsy hiala amin'izy ireo. Raha eto izy ireo amin'ny maraina, dia enga

anie izy ireo hijanona, hijanona mandra-pahatongan'ny Fanahy Masina.

²²⁶ Izay ilay hevitra! Izay ilay izy! Indro Izy. Izany no Fanahy Masina tonga.

[Miresaka amin'ny olona iray Rahalahy Branham raha miala eo amin'ny polipitra—Mpand.] Efa tena vitako ilay izy. Fantatro izany.

Izay ihany. Inoy Izany ankehitriny! Ekeo Izany! Aoka ho feno ny Fitahiany. [Mitohy mivavaka sy mifaly ny fiangonana.] 

FAHAVEREZAN-TADIDY ARA-PANAHY MAG64-0411
(Spiritual Amnesia)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Sabotsy hariva, 11 Aprily, 1964, tao amin'ny National Guard Armory ao Birmingham, Alabama, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org